


जुजु जयप्रकाशया

# रत्नेश्वर प्रादुर्भाव



सं. प्रेमवहादुर कसा



पासा—२७

जुजु जयप्रकाशया

# रत्नेश्वर प्रादुर्भावि



सम्पादक:-

प्रेमवहादुर कसा



पिकाकः-

चवसापासा

अँवहाल, यँ

न्हापां १०००

नेपाल सम्बत् १०८४

मू ३।

व्याक्क अधिकार सम्पादकया

थाकः-

नेपाल प्रेस,

१६८, न्हूसतक, यँ-६

दोहलपाः-

नेपाल भाषा साहित्यया धुक् थनार्वपि

आजु अजिमावित

प्रेम



## पिका पाखें

व्यमितयुगु न्होने जुजु जयप्रकाश मल्लं च्वया विज्यागु  
थ्व “रत्नेश्वर प्रादुर्भाव” नाटक सफू तय्हय खना च्वसापासा  
अतिकनं लयताया च्वंगु दु । थौतक भीगु नेपाल भाषा साहित्ये  
सफूया रूपे न्हून्हुगु साहित्यं जक छाय्पा वया च्वंगुली बल  
आ थ्व सफुर्ति निसःदयागु साहित्य नं भीगु न्होने खने  
दय्क बल ।

पुलांपुलांगु साहित्ये नेपाले नेपाल भाषा अतिकनं  
च्वन्हा धका धया च्वनेभागु खँ मखु, सकसिनं स्यूगु हे खँ ख ।  
गुलिखे ग्यसुग्यंगु साहित्यया हस्तलिखित सफूत थौतक नं छपा  
सफूया रूपे प्याहां वय् मफया च्वन तिनि । यदि छिकपिनिगु  
ग्वाहालि दत धाःसा च्वसापासां थज्यागु हे मेमेगु सफूत नं  
पिकाय्गु कुतः याइ ।

थ्व सफू पिकाय्गु खँय् अति हे परिश्रम तुका सम्पादन  
याना दीगुया नापनापं छगू ग्यसु ग्यंगु भूमिका नापं च्वया  
बिया दिया श्री प्रेमबहादुर कसाःजुं च्वसापासायात छगू तःधंगु  
देन बिया दीगु दु । वय्कःयागु कुतलं हे जक थ्व सफू  
च्वसापासां पिकाय् फुगु खः । अकि वय्कःयात च्वसापासाया  
पाखें आपालं आपालं धन्यवाद लःह्वाय् ।

आशा दु च्वसापासां पिकया वया च्वंगु सफूया भोले  
थ्व न्यीह्वय्गुगु सफू व्वमिपिसं थःनाला कया च्वसापासा  
यात ग्वाहालि याना दी ।

मावीचहे

१०८४

मंत्री

च्वसापासा

## ईया हपा

थ्व अतिकं हर्षया खँ जुल, थौं जिमिसं ‘रत्नेश्वर  
प्रादुर्भाव’ धैगु थ्व सफू छगू नं पिकाये दत । थ्व सफूयागु  
विशेषता थ्व सफुर्ति नतुं नों बाई । थ्व सफूयात पासा श्री  
प्रेमबहादुर कसाःजुं सुरक्षित याना, सम्पादन याना तथा  
नेपायागु नाटक परम्परायागु तथ्यं जागु इतिहासं छायेपा याना  
थुगु रूपे थथे थमंहे प्रूफ तक नं स्वया पिकया व्यूगुली जिमिसं  
वेकयागु हिचतियात, वेकयागु भाषा साहित्य प्रेमयात, पुलांगु  
साहित्य पिदंकेमा धैगु वेकयागु दृष्टिकोणयात आपलं आपलं  
भितुना देह्वाये ।

अथे नं, छता खँ सकसिनं लुमंके माल । थ योद्ध  
कलानाप, भातनाप खँ ह्वायेगु थ्व बांलागु भाषा; थ मां बौपि  
नाप कर्तव्य भाषा भाव पिज्वेका खँ ह्वायेगु थ्व मां भाषा;  
थ पासापि थथितिपि नाप लुधंके खँ ह्वायेगु थ्व अपुगु भाषा;  
थ मचात नाप मतिना याना खँ ह्वायेगु थ्व रसं जागु भाषा;  
साहित्यया हां थाय काये धुंक्गु थ्व पुलांगु भाषा; अले बुसां  
निसं मसीतले सास पति ह्वाना च्वनेभागु थ्व नेपाल भाषायात  
भिकेमा, थकायेमा, बल्लंकेमा, व्वनेमा, व्वंकेमा, प्रचार  
यायेमा, बलाकेमा, सन्मान यायेमा, याकेमा धका थ्व



मातृभाषा जूँपिमध्ये दोब्रिम्हे छम्हेभितं जक छुं भति दृष्टि  
तया थव भाषा थकायेगु कुत याना साधन उपलब्धि याना  
व्यूगु जूसा थौं थव भाषा त्रिभुवन विश्वविद्यालयया आई० ए०,  
बी० ए०, अनर्सया कोर्स जक दुध्यानां मगाना, एम्० ए० यागु  
कोर्स व पि० एच० डी० यागु कोर्स नं दुध्याना विश्व साहित्यया  
मोले छथौं तस्वाका चवने दये धुंकल ज्वी।

चवसापासां जक गुञ्जि ज्या याये फै धका। अथे नं,  
दुध्येफुध्ये तुतिसंम चुया थवं ज्या यानावं वया च्वंगु दु। थौं  
चवसापासायात श्री ५ या सरकारं नं 'रजिष्टर्ड' याना बी  
धुंकल, ज्या यानावं वनेत लँ तप्यना च्वंगु दु।

आ दातापिन्सं चवसापासायात थ नाला कया तेवा बी  
मागु, दान दक्षिणा बिया लहिना नके मागु हे ज्वी धुंकल।  
थव जिमिगु हपा व अनुरोध ख। चवसापासायागु थव सयात  
नं प्यखें हला लिस बी माल, बीके माल।

ने. सं. १०८४

चउलागा, मातातिचहे

सत्यमोहन जोशी

सभापति

चवसापासा

## मीगु नाटक परम्परा

डान्स व ड्रामा भिन्नाभिन्नै शब्द ख। थुमि अर्थ नं पा,  
ज्या नं पा। मीगु भासय् नं नृत्य व नाटक निगू भिन्नाभिन्नै  
शब्द मदुगु मखु। तर, नृत्य व नाटक जक मखु कि रंगमंचय्  
वया अभिनय यायेमागु 'व्याले', 'बल-डान्स', 'अपेरा' व  
नृत्य-नाट्य फुक्कसित मीसं 'प्याखं' शब्द प्रयोग याना चवनागु दु।  
महाकाली प्याखं व देवी प्याखं भाव-प्रधान नृत्य ख। ज्यापु  
प्याखं पक्कागु नाटक ख। तर, मीसं निगूयातं प्याखं धाई।  
ख, 'थिएटर' शब्द मीगु थगु हे शब्द थें जुइ धुंकुगु दु।  
छाय् धासा, २००६ साल तक नेपालय् थिएटर तस्सकं हे  
प्रचलित जू, अले मीगु नाटक परम्पराय् नं थवया विशेष  
स्थान दु। तर, थव थिएटर विशेष याना दरवारय् हे जक  
क्यनेगु चलन। अकिं थव शब्द नं दरवारी शब्द थें जुया जन  
साधारणं ला थवयात नं प्याखं हे धाइगु। धाथे धाये धासा  
'इन्द्रसभा' प्याखं नेपालय् थिएटर स्यनेगु परम्परा च्वंवगुलि  
वयां लिपायागु 'शकुन्तला' व 'लैलामजनू' थिएटरयात नं मनूतेसं  
इन्द्रसभाया प्याखं धाइगु। थथे नृत्य व नाटक निगूयातं प्याखं



धाइगुया कारण छु धासा हापा नृत्य मदयेक नाटक धयागु हे मजू। प्राचीन नाटकं लिपा नेपालय् प्रचलित जूगु ज्यापु प्याखनय् नं नृत्ययात विशेष स्थान दु। थिएटरय् हे नं मेपिसं महुसां सहेलीतेसं प्याखं महुसे मगा। आधुनिक नाटकय् जक नृत्य बहिष्कार जूवन। जीवनया प्रत्येक पलाखय् अज्ञात रूपं न्यनावनाच्चंगु पाश्चात्य सभ्यताया प्रभावं याना हे थथे जूगु ख।

नाटक नेपालय् न्हूगु वस्तु मखु। भीगु नाटक थगु हे पहयागु दु; भास, भवभूति, कालिदास व श्रीहर्षयाथे' ज्यागु मखु; शेक्सपियर व बर्नाडिशायाथे' ज्यागु नं मखु। नेपालय् प्राचीन कालनिसें हे नाटक मनोरञ्जनया छगू साधन जुया वया च्वंगु दु। जुजुया काय म्हायपिनि जंको, कय्तापुजा, व्याहा आदि ततधंगु उत्सवय् नाटक क्यनेगु साधारण खँ ख। नाटक च्वयेगु व नाटकय् ब्वति कायेगु ज्या जुजुपिसं हे नं या। भी आञ्जुपिनि प्याखनय् गाक्कं सोँख दु धयागु खँ त्वात्वा पत्ति दयेकातगु दबुलि हे प्रमाणित या। १६८६ सालय् हनुमानध्वाखाय् हरिसिद्धि प्याखं स्वयाच्चंबल्य् अन हे हि ल्हया परलोक जूझ प्रताप मल्ल जुजुबागु इतिहास थ्वया साक्षी दु। यँन्याबल्य् च्यान्हु यंकं बहनी बहनी हनुमानध्वाखाय् हाजिर जूवइपि नृत्य तथा नाटक मण्डलीयात दां बीगु नियम थौँतक कायम जुया च्वंगुलि नं थ्व खँ साबित जू। मल्ल जुजुपिसं स्वना थकूगु थ्व परम्परायात शाहवंशी जुजुपिसं नं गाक्कं कुत

याना प्रोत्साहन बियाच्चंगु दु धयागु खँ 'नेपालेश्वर महाराजाधिराज श्री श्री श्री राजेन्द्रविक्रम शाहदेव विरचित महासत्त्वोपाख्यान नाटक' पाखे, रणबहादुर शाह नं १८४८ सालय् जीर्णोद्धार यागु हनुमानध्वाखाय् च्वंगु नास चुक व मेमेगु नं आपालं खँ सीदु। नृपति श्री ५ सुरेन्द्र विक्रम शाहदेवया महारानी राज्यलक्ष्मी देवीया सहायतां तैयार जूगु 'लालहीरा' नाटकया थ्व म्ये' नं थ्व खँ व्यक्त जुयाच्चंगु दु :—

### राग स्याम

बली प्रिये हीरादेवी चित्रपुरमे' जाये ॥  
ईश्वरके कृपा भये फेर संजोग भये नागराजा वरदान दिये ॥१॥  
श्री सुरराज्यलक्ष्मी देवी जुगजुग जिये।  
जग दुष मोचन कारन माई प्रसन्न भये संसारके दुःष  
हरण किये ॥२॥

१०३ दँ तक नेपालय् जुजुपित कतांमहिये' याना राणातेसं शासन यात। तर, इमिसं नं भीगु नाटक परम्पराय् रुवाउँत्येकेगु ज्या मयासे थ्वयात मनोरञ्जनया छगू तधंगु साधन यानातगु खँ दरबारय् दयेका तगु प्याखंछे' सीदु। जुजु व प्रधान मन्त्रीया काय्म्याय् व छय्छुइपिनि इहिपा याइबल्य् नृत्य व नाटक मण्डलीतेत सता प्रोत्साहन बीगु यानाच्चंगु अपाय्सकं पुलांगु खँ मखु। चन्द्रशमशेर दयेका थकूगु सिंहदरबार प्याखं छेँय् जुद्धशमशेर जनतायात नं सिनेमा



व प्याखं बरोबर क्यनेगु यात । अले पद्मशम्शेरं जनतायात हे नं प्याखं क्यनेत व थाय् विल । २००७ सालंनिसें ला बालं नं बीगु चलन जुल । उकिं याना २००७ सालं लिपायागु सरकारयात मित्रराष्ट्रया राष्ट्रपति, प्रधानमन्त्री व सांस्कृतिक प्रतिनिधि मण्डलया न्होने हाय् तयेगु थाय् दत । श्री ५ सरकारयात ऐशआरामय् दुषवाना नेपालय् एकद्वत्र शासन थपिसं यायेगु हे ३ सरकारया परम्परागत नीति ख । थुकी ३ सरकार आपालं सफल नं जुया च्वंगु ख । तर, '६० सालया भूकम्पं लिपा स्वर्गीय श्री ५ त्रिभुवनयाके राजनैतिक चेतना दनावगुलि नारांहिति दरबारया आखालय् माकचां जा प्यन, तालीमी नानीपिनि अभ्यासय् फोसा व्हल, वस्ताद नूरुद्दीन व सिद्धिमान निम्हं सदांया निम्ति नारांहिति विदावाजि जुया वल । तर, जुजुया व्यक्तिगत जीवन नाप सम्बन्ध दुगु खँ जूगुलि थ्व लेदंथनेगु ज्या नारांहितिया दुने हे जक जुल । नारांहितिया तालीमं सिंहदरबारय् बाय् ल्हल । अन हे नूरुद्दीनया जागीर जुल । जुद्धशम्शेरया हे पालय् १९६५ सालय् बालकृष्ण समजुं सरकारी सहायता कया 'मुकुन्द इन्दिरा' प्याखं स्वैसेंलि आधुनिक नाटकया परम्परा शुरू जुल । श्री ५ त्रिभुवनं न्हूपुखु सिथे चाकला फलेचा नापं नगर प्रहरी दयेकूथाय्यागु जग्गा व र्खादो दां 'त्रिभुवन महानाट्य-शाला' दयेकेत 'नेपाल नाटक संघ'यात ल्हापं बिउगुलि व प्राश्ममिनिष्ठर टंकप्रसादं नेपाली राष्ट्रिय सांस्कृतिक संघयात

दैय्दसं १८०० । दां सरकारी ग्वाहालि बीगु खँ मन्त्रिमण्डलय् कोझिनातगुलि अले २०१३ सालय् नासःखलःया उद्घाटन यानाबिउगुलि २००७ सालं लिपायागु सरकारं नं नाटकया विकास व उन्नति पाखे ध्यान बिउगु खने दु । २००७ सालय् रेडिओ नेपाल स्थापना जुइसाथं नातिकाजी, पन्नाकाजी, कान्छाबुद्ध, रामलाल, रत्नदासं, हरिप्रसादथे ज्योपि नां जापि गायक व वाद्यवादकत सरकारयात उपलब्ध जुइफुगुया कारण नं बय्क कलाकारपिसं विभिन्न नाटकय् ब्वति कया गाना बजानाया ज्ञान दयेका तगुलि हे ख । थौं विभिन्न सांस्कृतिक संस्था भीगु न्होने दु । व फुक्कया मुख्य मुद्दान भी जुजु श्री ५ महेन्द्रयात हे भीसं भापेमा । शुभ राज्याभिषेकया सुऔसरय् नेपालया विभिन्न जिह्मां कलाकारतेत सता विभिन्न जातिया लोकनृत्य व लोकगीत प्रदर्शन यायेगु गुगु व्यवस्था सरकार पाखें जुल उकिं हे प्रेरणा कया नाच गानया सोखोन-तेसं विभिन्न सांस्कृतिक संस्था दयेका सांस्कृतिक विकास पाखे पला छिना च्वंगु दु । ल्यज्यां लिपायागु सरकारं पुरातत्व विभागय् संस्कृतियात नं व्हना २०१६ सालयागु प्रजातन्त्र दिवसया उपलक्षे सिंहदरबार प्याखं छेय् विभिन्न सांस्कृतिक संस्थातेगु सांस्कृतिक प्रदर्शनी १२ न्हु तक याका सरकारया पाखें पट्ट, पदक व प्रधान मन्त्रीया उच्च पुरस्कार समेतं प्रदान यायेगु व्यवस्था जुल । २०१८ साल कार्तिक २८ गते श्री ५ महाराजाधिराजं थगु हे ह्वातं राष्ट्रिय नाचघर उद्घाटन याना



विज्यात । व नाचघर मि नगुलि वया जीर्णोद्धार यायेत श्री ५  
बडामहारानी भार २०००० बिया विज्यात । थुकि वसपोलपिनि  
नं नेपाया सांस्कृतिक विकास यायेगुली व नाटक परम्परायात  
थुलं तयेगुली गुलि विचार दु धयागु बांलाक हे सीदु ।

नेपालय् चिन्नादनाच्चंगु राज्यतेत छपु काय् हना बृहत्  
नेपाल दयेकेगु श्रेय शाहवंशी जुजुपित दुसा नेपालया साहित्य  
व कलायात बलकेगु श्रेय मल्ल जुजुपित दु धाइ । कला व  
साहित्यया मेगु अंगयात छखे तथा हे नं वीरपुस्तकालये जक  
संग्रह जुयाच्चंगु १४६ गू हस्तलिखित प्राचीन नाटक स्वया,  
उकियागु शैली व पदचह मेमेगु देशयागु पद्धतिथे मजुसे  
थगु हे पहलं, थगु हे माथं जुयाच्चंगु स्वया भीसं च्वे धयागु  
खं स्वीकार मयासे हे गाइ मखु । राष्ट्रिय पुस्तकालये, फील्ड  
मार्शल हिजहाइनेस केशरशम्शेरया पुस्तकालये, मेपि साहित्य  
प्रेमी नेपालीतेगु दराजय् व विदेशी पुस्तकालये थुज्यागु नाटक  
गुलि दु, ल्याख्याये फुगु मखु । हरिसिद्धि पुराण कथं नेपालय्  
नाटक दकले ह्याप्पां कलिगत वर्ष २६६० अर्थात् विक्रम सम्वत्  
सिकं ६४१ दैन्हो दुगु ख । व नाटकया नां हरिसिद्धि नाटक  
ख । 'हरिसिद्धि समो नास्ति नाट्यः ब्रह्माण्डमण्डले' धका  
चव्यातगु खं थव नाटक न्याक हे च्वन्हागु ख धयागु सीदु ।  
थव धार्मिक नाटक ख । उग्रतारा नीलसरस्वतीयात मुख्यह  
याना सूत्रवीरं नागेन्द्रयात वध यायेगु उपाख्यान थुकिया  
कथावस्तु ख । विक्रमसेन जुजु उग्रतारा देवीयागु आज्ञा

शिरोपर याना थव नाटक दयेकूगु ख धका वंशावली चव्यातगु  
दु । लिपा नाटक लोप जुयावन । ३७०५ कलिगतय् विश्वकर्मा  
धयाह्य छह मनुखं नाटकयात नृत्यया रूपय् परिणत यात ।  
१००३ विक्रम सम्वतय् थव नं दित । अले प्रताप मल्ल जुजुया  
पालय् थव हानं नृत्यया परम्परा ज्वना पिदन । थव हे परम्परा  
थौतक थुलं च्वच्चंगु दनि । तर, नृत्य शुरू जुइ न्ह्यो सूत्रधारं  
दबुली वया नटीनाप खँलाबला याइगु आदि चलन थौतकं  
ल्यनाच्चंगु हे दनि । भाय् धासा थुइके मफये धुंकल । मेगु खं,  
छविलाल शर्मा चव्यातगु 'सुन्दर चरित नाटक' च्यागूगु  
गुंगूगु शताब्दी पाखेयागु व पंडित राजानाथ चव्यातगु  
'दुष्यन्तोपाख्यान नाटक' फिगूगु शताब्दी पाखेयागु धयागु  
अनुमान दु । थव निगुलि नाटक राष्ट्रिय पुस्तकालये दु । थव  
खं नाटक धयागु नेपालय् मल्लकालं न्ह्यो हे प्रचलित जुयाच्चंगु  
ख धयागु सीदु । नाटकया थुगु परम्परायात भीसं थौतक  
तोतागु नं मरुनि । नेपाली साहित्य जगतय् एकांकी नाटक  
अर्थात् छधा प्याखं दुतिसे'निसे' ला नाटक मक्यंक गुगुं हे  
समारोह पूमवथे च्वनेधुंकल । तर, थौकन्हे भीसं क्यनेगु  
नाटकय् परम्परा अनुसार प्राचीनताया छुं चि ल्यमदये  
धुंकल । प्राचीन नाटक फुक्क धयाथे धार्मिक अथवा पौराणिक  
बाखंया आधारय् स्वनातगु ख । 'हनुमान नाटक' रामायणय्  
आधारित जुयाच्चंगु ख । 'रत्नेश्वर प्रादुर्भाव' पूरा धार्मिक  
ख । 'महासत्त्वोपाख्यान' व 'वीरकुस' बौद्ध जातकं कयातगु

कार

कृष्ण



ख । 'लालहीरा' व 'शिशिर वसन्त' न्यकें बाखंया आधारय्  
दयेकातगु । 'अन्धकासुरवधोपाख्यानम्', 'उत्तररामचरित  
नाटकम्', 'उषाहरण नाटकम्', 'महाभारत नाटकम्' इत्यादि  
नाटकया उपाख्यान नाटकया नामं हे सीदु । फलस्वरूप  
देवगण, मनुष्यगण व दैत्यगण स्वखल नं नाटकय् दुध्याना  
चवंगु दु । नाटक शुरु जुइ न्ह्यो नाट्येश्वर महाद्यो पार्वतीनाप  
दबुली वया प्याखं हुले हे मा धयागु खं क्वे चवंगु म्ये' सीदु :—

“जय नमः नाटेश्वर अनाथया विनति डङ्काओ ॥१॥

जय नमो पद्मासने दरसन बिहुने

ऋद्धि सिद्धि फल छिन विओ ॥१॥

नन्दी भृन्दी निह्य तसे अतिन छि शोभा जुसे

सरसन प्याखन हुयाओ ॥२॥

राजेन्द्र विक्रम साहदेवन ह्वाल

हिहिछिया छिकेतु जि माओ ॥३॥”

( महासत्त्वोपाख्यान )

“जय जय नटपति निरगति ह्यया गति

जगतस मंगल यात दको रसया भार

सिर शोभित गंग तरंग चन्द्रया खण्ड

गओरि बछि ह्यस संसारस मजुओ ग्वह्य

वस ओह्य जुल जगतया सार  
राज राजन भगति तसे थम जयप्रकाशन ह्वाल  
विघन नाशन याओ मारन भक्त रखलपे मार  
जय जय नाथ महेश ।

वृषभया ह्यस गल प्याखन रसन जुल  
प्रमथया संगन मोलमाल भिङ वान  
भसम लेपित अंग तिसा भिङ भुजंग  
ओसत मदु ह्यस ओसया साज भिङ  
धुङ्गेगुलि रूप असमान ।”

( रत्नेश्वर प्रादुर्भाव )

लिदबुलि हालीगु थज्यागु हे म्येया धूनय् व बाजंया  
तालय् नासद्यो प्याखं हुली । अले नासद्यो रूपी महादेवं-  
निसे' कया इन्द्र, अप्सरा, जुजु, रानी, मन्त्री, कोतवाल व  
यक्ष, राक्षस, दैत्य आदि गुलि प्याखंमो दु फुक्क हे प्याखं  
हुहुं दबुलिइ वइ, प्याखं हुहुं दबुलि प्याहाँ नं वनी । दकले  
ह्वाप्पा दबुलिइ वइवले फुक्क प्याखंमोतसे' दबुलिइ विश्राम  
याना थथगु महिमा खं ह्वायेगु अनिवार्य जू । खं  
ह्वाइगु थथे :—

“इन्द्र—अयि पुत्र शचि पुत्र जयेन्त अब हमलोक सब येह  
रङ्गभूमि मे' आये पढुंछे छिन भर विश्राम कर्ते हैं ।



सर्वे — भो देवराज इन्द्र अवश्ये विश्राम कीजिये ।

इन्द्र — अई पुत्र शचि पुत्र जयेन्त हमारा महिमा सुनिये ।

सर्वे — भो देवराज इन्द्र आज्ञा कीजिये ।

इन्द्र — ( सिलोक )

वीर वाङ्मास्ति लोकेस्मिन् दैत्याराधिर्गणाधिपः ।

सास्ता वै दुर्विनीतानां इन्द्रोऽहं ह्यादिनीधरः ॥

( भास ) त्रैलोकेमो दुष्ट जनको वज्र प्रहार करके  
सासना कर्त वाले देवराज इन्द्र नाम हम हैं ।

सर्वे — भो देवराज इन्द्र जथार्थ आज्ञा होतु ह ।”

( मन्त्रार्थ )

( लालहीरा )

“महादेवी—हे प्राणनाथ आओ जिनं थओ महिमा खँ छहुति  
विनति याये ढसे बिज्याहुने ।

महारथ — हे प्रिय महादेवी छन ह्माओ ।

महादेवी — महादेवी नाम रानी पतिव्रता जि जुया अति  
रसन नृत्य भूमिस प्रवेश ओया जि थनि ।

हे प्राणनाथ थथिह्मा छलपोलया अति प्राणप्रिया  
महादेवी नाम रानी जि ।

महारथ — हे प्रिय महादेवी छन सत्यथे ह्माक ।”

( महासत्त्वोपाख्यान )

शुकथं सकसिनं थथगु परिचय बी । प्राचीन नाटक  
खँ भचा, प्याखं आपा । अनेक राग व तालयागु सलंस म्ये  
वइ । म्ये फुक्क लिदबुलि हाली अले म्येया नापनापं प्याखंमोतेसं  
प्याखं हुली । खँ जुक्को दना अथवा फेतुना ह्माइ । छपला  
जक छीमासां वाजंया तालय् अथवा प्याखंया भावय् छीमा ।  
वाजंया तालय् व प्याखंया भावय् महासत्त्वं थगु ला ध्यंध्यं  
धुंयात नकूगु खनीबले प्राचीन नाटकय् ज्या नं ताल व भावय्  
जुइगु ख धका भीसं अपुक हे ध्वाथुइके फु । अकिं प्राचीन  
नाटकयात नृत्य-नाटक धासां पाइ मखु । थव नाटक थौंकन्हेथे  
खखेर धकिनं तोपुयातगु दबुलिइ क्यनेगु मया । छचाखेरं  
चक्कंगु दबुलिइ क्यनेगु चलन दु । थौंकन्हेथे टिकटं प्याखं  
क्यनेगु चलन अबले मरुगुलि हे थथे जूगु जुइमा । जव, खव,  
न्याने न्हाथाय् च्वंहा मनुखं नं खनेदयेके मागुलि प्याखंमोत  
दबुलिइ वइवले प्याखं हुहुं दबू छचा चाहुला तिनि दथुइ  
च्वंवइ । वनीबले नं प्याखं हुहुं ह्मापां जव पाखे वनी, हानं  
खवपाखे वनी, हानं दथुइ वइ । उलि याये धुनेवतिनि प्याखं  
हुला दबू चाहुला वनी । थव नाटक पृवंक क्यनेत तन्हु बीगु  
कारण थव हे ख । अफ उकीसनं नासद्यो दबुलिइ प्रवेश जुइ  
न्याो पन्टनका घन्टन पोंखि थाना अनेक प्रकारं द्यो ह्माना  
देवदेवतापिनिगु आराधना यायेमा । पोंखि थायेधुंका  
शून्य म्ये हालेमा अर्थात् दबू खालि याना नृत्यनाथया  
आराधना याना लिदबुलि म्ये हालेमा । शून्य म्ये शुकथं जुइ—



## राग मारव, ताल नवमान

जे माहेश्वर ( परिमान )

नाचय दिगम्बर ( जति )

पंच वदन मंगल ( एकतालि )

नृत्य कला पर ( अस्तारा ) काशे ( रूपक )

त्रिपुर निकन्दन ( चौताला )

त्रिभुवन वन्दन रञ्जन ( खर्जति )

निज जन पुरजु आसे ( क्रांगि )

जय जय महेश सुरेस ( प्रताल )

( गोपिचन्द गोरखविजय )

यलया काती प्याखं थज्यागु हे नाटक ख । जुजु सिद्धिनरसिंहं स्वनाथकूगु थव नाटक २०११ साल तक दैयदँसं कार्तिक लच्छि यलया लायकू न्होने च्वंगु दबुलिइ हुइका च्वंगु ख । आ थव सीनं मफु, म्वाये नं मफु जुया च्वंगु दु । नृसिंह प्याखं व वराह प्याखं निगू जक क्यना थवया अस्तित्व ल्यंकातगु दु । दखिकालीइ अनयापि जनतां भीगु प्राचीन नाटकय् योपह क्यना कार्तिकं थज्यागु नाटक थौतकं क्यना वया च्वंगु दनि । यँ देशय् नं यँन्याबले ख-प्याखंया प्याखंमोत हनुमान ध्याखाय् थौतकं हाजिर जूवया च्वंगु दनि । तर, हिहिस्ते व हे द्योह्वायेगु छगू बाहेक मेगु प्याखं हूगु खनेमरु ।

अबले यँन्या जोछि क्यनिबले थव प्याखं पृवनीगु जुइमा । १६८१ सालय् यलया भिछे बहालय् च्वंहा चैत्यराज गुरुभाजु 'वीरकुस' धयागु थज्यागु हे नाटक असंत्वालय् क्यंबले छि ४ ता क्यना ८ न्हु दुखुनु क्वचाल । २०१३ सालय् चतुर्थ विश्व बौद्ध सम्मेलनय् स्वति कायेत विभिन्न देशं वपि प्रतिनिधितेत नासखलकं 'नृपति राजेन्द्र विक्रम शाहदेव विरचित महासत्त्वोपाख्यान' या छुं अंश क्यंगु ख । वयां लिपा थव संस्थां नं नाटकयात छेहे हाकुतिना व नाटकया दुने च्वंगु अप्सरा प्याखं व भैरव प्याखं जक फुतकर प्याखं थे याना क्यना वयाच्वन । नेपालय् थिएटरं पला तये न्ह्यो तक थज्यागु नाटकया कदर राजदरबार पाखें नं जुया च्वंगु ख । थव खँ सुरेन्द्र विक्रम शाहदेवया पालय् च्वया स्यंगु 'लालहीरा' नाटकयागु थव म्ये सीदु :-

“चली प्रिये हीरादेवी चित्रपुर में जाये  
ईश्वर के कृपा भये फेर संजोग भये  
नाग राजा वरदान दिये ॥१॥  
श्री सुरराज्यलक्ष्मीदेयी जुग जुग जिये  
जग दुष मोचन कारन माई प्रसन भये  
संसारके दुष हरन किये ॥२॥”

“चलिये पारवति हर्ष बढ़ाये



सखिमंडल में जाये भक्ति के लाये  
भुक्ति सुगुति फल दिये ॥  
हम अब धर्म पाप सब नरके जाँच कर्के  
चलिये पार्वति भक्ति बोलाये ॥१॥  
नृपति श्री सुरेन्द्र विक्रम शाहदेव  
श्री सुरराज्यलक्ष्मदेवी हे यानि  
श्री मिश्र खान जुग जुग जीवे  
श्री पशुपतिनाथ गुह्यकारी माइ  
श्री सखिन्दरनाथ सुफल जो किये ॥२॥ ”

दकले लीपा दरबारय् क्यंगु प्राचीन नाटक थव हे ख ।  
सुरेन्द्र विक्रमया हे पालय् लिथुये याना थिपटर हसेलि  
प्राचीन नाटकं दरबार नाप पारपाचुकी कया वनाच्चंगु दु ।

संक्षिप्त प्राचीन नाटकया कथं थुकथं जुड :-

( १ ) द्यो ह्वाये—फुक्क प्याखंमोत दबुलिइ वया ह्वा  
जोजलपा विन्ति यानाच्चनी । लिदबुलिइ खि थाना द्यो ह्वाइ ।

( २ ) पोंखि—दबुलिइ सुं हे दइमखु, लिदबुलिइ जक  
खि थाना च्वनी ।

( ३ ) शून्य म्ये—दबुलिइ सुं दइमखु, लिदबुलिइ खि  
थाना नासद्योया म्ये हालाच्चनी ।

( ४ ) महाद्योया प्रवेश—गाछि खुया महाद्योया  
प्रवेश । न्हाप्पां याकचा, अले पार्वतीया नं प्रवेश जुइ । अनंलि  
गाछि उला महाद्यो व पार्वती प्याखं हुली ।

( ५ ) जुजुया प्रवेश—थनंनिसं नाटक शुरु जुइ ।

( ६ ) आरती—नाटक क्वचायेव आरती जुइ । आरती  
याइबले नं फुक्क प्याखंमोत दबुलिइ वया ल्हा जोजलपा म्ये  
हालेगु थिति दु ।

नाटक क्वचायेका हालीगु थव आरती म्ये थथे जुड:-

राग मारु धनाश्री; ताल चो

भाओ भगति तसे आरति याय ॥धु॥

चरण शरण ति दास छि पालिया

त्रिपुर असुरया जिओस म्हितुम्हया

काम दाह याक ओसम्हया

आदि पुरुषम्हन मानन देवन

प्रीति तसे याक ग्वम्हसया

दयालछिमिया पति बीर भूपति

जय प्रकाशन ल्हाक सोयाजुओ अति

बीरन भाओ धरमन जय थम लाक ज्ञान सिया ॥

( रत्नेश्वर प्रादुर्भाव )



### राग धनाश्री; ताल चो

मनस भगति तसे भगवान नाम कासे  
 मत च्यासे आरति याय  
 फयाथे विनति याय काम पुरन याये  
 भुगुति मुगुति पद लाय  
 भगवान पिरतिन आरति याय ॥१॥  
 सुगन्ध धुपाय थसे परब्रह्म ध्यान यासे  
 जप तप फको जिन याय  
 श्री जय राजेन्द्र विक्रम शाहदेव  
 नृपतिन सुवचन लहाल  
 भगवान पिरतिन आरति याय ॥२॥

( महासत्त्वोपाख्यान )

गुगुं गुगुं नाटक्य 'शून्य म्ये' सिधयेका सूत्रधार व  
 नटीं दबुलिइ वया नाट्येश्वरया स्तुति यानालि देश वर्णन व  
 राज वर्णन नं यायेयु थिति दु—

( देशवर्णना )

### राग काफ़ी; ताल प्र.

नगर लक्षण दुन कान्तिपुर भिङ्ग  
 पुरन्दपुर गन जुओ थथिङ्ग ॥

तलेजु बिज्याक थन कुमारी सहित  
 पशुपति गुह्येश्वरी जगतया हित ॥  
 धरमस रस जुओ जन गुण थुल  
 महानदि निखे दून पुण्य भूया मूल ॥  
 अधिपति जय परकाश सुधीर  
 कविया वचन भिङ्ग धरम सुधीर

( रत्नेश्वर प्रादुर्भाव )

( राजवर्णना )

### राग सोरथ; ताल चो

रवि कुल कमलया याक विकाश  
 राजवर सुन्दर जयपरकाश, विष्णु समान ॥ ध्रु ॥  
 कुलदेवी भजनस मन थिर याक  
 नीति निपुन जुओ गुनिम्हओ जाक ॥  
 पृथिविस जुओ ओस इन्द्र समान  
 अरजुन सतुलया तुर याक दान ॥  
 परजन लहिकन यात गुलि मान  
 कविन सियाओ ह्वाळ थुल सत ज्ञान ॥

( रत्नेश्वर प्रादुर्भाव )

'शून्य म्ये' यात 'नान्दी म्ये' नं धा । गुगुं गुगुं नाटक्य  
 म्ये हाळे न्ह्यो संस्कृतं श्लोक वनेगु नं या :—



सानन्दं चन्द्रमौलिस्सुरगणसहितः कुन्दकर्पूरगौरः  
स्मेरास्यो लास्ययुक्तो गिरिवरतनयाश्लिष्टदेहो विद्यासी ।  
कन्दर्पोद्दर्पहारी फणिमणि विलसच्चारु भूषाभिरामो  
भक्तानां कल्पशास्त्री भवभयशमनः पातु नृत्येश्वरो वः ॥

( कृष्णचरित्र नाटकम् )

गुगुं गुगुं नाटक्य आरती याये न्ह्यो आशीर्वाद  
बीगु चलन नं दु :—

काले सन्तु मुदा घना जलमुचः सत्कर्मिणो भूसुराः  
लोका धर्मपरायणा नयविदः शस्याधिका मेदिनी ।  
देवाः इन्द्र पुरोगमा जननुता ऋद्ध्यादिसौख्यप्रदाः  
श्रीमद्भूपति बासवोऽस्तु सततं धर्मे प्रजापालकः ॥

श्री : जयभूपतीन्द्र महदेव सप्ताङ्गराज्य वृद्धिरस्तु ॥  
सर्व्वे—तथास्तु ॥

( गोपीचन्द्रोपाख्यान नाटकम् )

थौं विज्ञानया जमाना । तस्स र्सत मदुगु बखत ।  
बैकुंठरूपी प्रेतं थिउगुलि प्राचीन नाटकयात गनावनीगु लोचं  
कल । वया थासय् ज्यापु प्याखनं हा कया चुलि जायावल ।  
थव ज्यापु प्याखंयात प्राचीन नाटक व आधुनिक नाटकया  
स्वापू अथवा होंग धासां जिउ । धात्थे ख, ज्यापु प्याखं  
पिदंगु सच्छि दें अथवा सच्छि व जछि दें अप्पो मरुनि । ज्यापु

अर्थात् किसानि वर्गया शुद्ध व साधारण न्ह्यपुं जक तीप्यंके  
मफइगु भयातुगु व क्वातुगु सामाजिक नाटक क्यनेगु  
थौं कन्हैया चलन जूगुलि थव नाटक चबयेगु, स्यनेगु व क्यनेगु  
अभिभारा ज्यापु वर्गया ह्मातं बुद्धिजीवी भाजु वर्गया ह्मातय्  
लावन । नत्र थवया हर्ताकर्ता, थवया बारे फुक्कफाक्क ज्या  
ज्यापुतेसं हे याइगु । अफ्फ्याखंमोत समेतं ज्यापुत हे जुइगु ।  
थुगु दृष्टि स्वत धासा ज्यापु प्याखंयात चीधंपिनिगु प्याखं,  
बीजिगु न्ह्याइपु धासां पाइथे मच्चं । ख नं ख, 'महासत्वा-  
पालयान', 'लालहीरा' व 'वीरकुस'थे ज्यागु प्याखं स्यनेत  
इमिगु आर्थिक अवस्थां भोय् मल्हा, इमिगु बौद्धिक शक्ति नं  
न्ह्यायेदुगु मखु । व ला साहू महाजन, जुजु, भारदारथे ज्यापि  
थ्यवा नं दुगि, विद्या नं गापि मनूते पाखे हे जक जुइ फइगु  
खं ख । अर्कि ज्यापु वग सिन्हाज्यां मासुलने धुंका भचा  
लिलायेव गुंपुन्हीबले न्ह्याइपुकेगु विचारं ज्यापु प्याखं सिर्जना  
यागु खनेदु । गुंपुन्ही न्ह्याइपुइगु व न्ह्याइपुगु सिन्हाज्या याकनं  
सिधइगु व सिमधइगुली च्वनी धका मनूतेसं धाइगुलि नं थव  
खंयात तिव बियाच्चंगु दु ।

ज्यापु प्याखं व प्राचीन नाटक उत्थे मजूसं आधुनिक  
नाटकथे थवं प्राचीनता नाप सम्बन्ध चव्वुक तोथुलामव्व, वरु  
समययात लवयेक छुं सुधार सम्म यागु खनेदु । ज्यापु प्याखं  
प्राचीन नाटकथे सिक्क ताहाक मजू । थव ३४ ताकं हे सिध ।  
थुकी खिया थासय् पड्डिमा थाइ, अले प्राचीन नाटकय् मरुगु



बांसुरी नं पू। ज्यापु वर्गं सिजेना यागु प्याखनय विशेष याना  
 ज्यापुतेसं थाइगु पछिमा व पुइगु बांसुरी प्रयोग जुइगु स्वाभा-  
 विक हे ख। आ नाटक नृत्य प्रधान मजुल। फलस्वरूप २०:२१  
 नहु मेहनत यायेव नाटक क्यनेबह जुल। श्रमजीवी किसानते  
 छुं दिनया फुसंत तयार जुइगु थव प्याखंयात जन वर्गीय प्याखं  
 धासां जिउ। वास्तवय न्हापान्हापा थव प्याखं किसानि वर्गय  
 हे जक प्रचलित जुया च्वंगु ख। प्याखं स्यनिपि नं किसानित  
 प्याखं स्वइपि नं किसानित। परम्परानिसें जुयावगु चलन कथं  
 प्याखं स्वयेत ध्यबा नं बोमो। प्याखं सिधयेव जाकि, छो, कनि  
 छुछु किसानिया छे दु व हे जक क्यबु तयेयकेव गा। प्याखं  
 नं प्याखंमोते इष्टमित्र थथितिपिथाय जक क्यने यंकीगु।  
 प्याखंयात मागु तिसावस व मेमेगु सादां सुनांसुनां छचलीगु  
 ख ववं हे हइगु। छाय धासा उबले प्याखं स्यनेगु व क्यनेगु  
 ध्यबाया निति मखु, लहरबहरया निति हे जक ख। १६८७  
 सालय असंवाया साहु हिरा तुलाधरं नाय्वालय च्वंपि ग्वारा  
 व सानु धापि ज्यापुत नाप जाना 'कवीर कुमार' प्याखं  
 स्यबले तक ध्यबा कया प्याखं क्यनेगु चलन मरुनि। प्याखं  
 सिधयेका विन्तांमुनिचां प्याखं हुहुं हावभाव याना स्वकु-  
 मितेत मोह याना गुलि ध्यबा कायेफु ध्यबाया नामं दयिगु  
 उलि हे। प्याखं क्यना वइगु क्यबु व दां प्याखं स्यनीम्ह गुरुया-  
 थाय हे मुनातई। प्याखं क्यने गायेव नासद्यो पुज्याना नास  
 लित तथा सकले मुना न्हाइपुक भव्य नइगु। कथहनं च्वेयागु

वर्जायापि धनिकतेसं नं थव प्याखं स्वयेगु यानाहल। संगटन व  
 संचालन सम्बन्धी ज्याखंय नं भाजुपिसं लहा तथाहल। फलस्वरूप  
 सन्ध्याय घना ध्यबा कया प्याखं क्यनेगु चलन जुयावल।  
 कथहनं थौकन्हे कम्पनी हे दयेके मागु जुल अर्थात् धायाया  
 जिम्मा काइम्ह मनू दयेका जक प्याखं स्यनेमागु जुयावल।  
 लहरबहर वरसवसया थाय व्यापारी मनोवृत्ति काल। भाजु  
 वर्गं वपि आपाथे प्याखंमोत ध्यबां चुइपि जुल। थुज्यापि  
 प्याखंमोत छुच्चा, लुच्चा व धोखाबाज जुइगु हे जुल। थुमिगु  
 असभ्य व अभद्र व्यवहारं याना प्याखंया कजी गबले गबले  
 ला हांय हांय नं खचयेमालीगु। प्याखं खल नदुवातेगु जमाथथे  
 जूवन। थथे हे जुया प्याखंमोतेत जनतां बांमलागु दृष्टि स्वयेगु  
 यात। वास्तवय ज्यापु प्याखनय च्वंपि प्याखंमोतेके थव  
 विसिद्धि भावना व असिद्धि प्रवृत्तिया लवय थिएटर पाखे  
 वगु ख। तर, प्याखं नं छगू अमल हे ख। न्हाक्यो धोखा  
 नसां, न्हाक्को धापं च्वनेमासां छक प्याखनय लहा तये-  
 धुं कूम्ह मनुखं थुकि लिचिले धयागु साप हे थाकु। धूम्वाराही-  
 चां (धन बहादुर) व बेखाचां (बेखानारायण) प्याखनय जुया  
 फलेचाबाय व बनबाय जुइमाल। तर, थौकन्हे छुं सुधार जूगु  
 खनेदु। नदुवा मनोवृत्ति दुपि गुम्हं गुम्हं प्याखंमोत आतले  
 दनिसां सभ्य व शिक्षितपि ल्याय्म्हतेसं लहरबहरया उद्देश्य  
 तथा प्याखं क्यनेगु यानावया च्वंगु खनेदु। नदुवा मनोवृत्तिया  
 बिषालु कीटाणु उत्पति याम्ह थिएटर नं सिनेमाया इज्जेकशनं



याना प्रेतलोक्य वने धुंकल नि । गामय धासा श्व मनोवृत्तिया  
प्रभाव गबले हे मला । अन श्रमजीवी किसानितेगु स्वच्छ,  
शान्त व सरल स्वभाव हे व्याप्त जुयाच्वंगु दु । लहरवहर व  
न्हाइपुया उद्देश्य हे गामात अम्ह नं प्याखं हुलाच्वंगु दनि,  
म्ये हालाच्वंगु दनि । थिपटरया लागा शहरय दुने अम्ह  
दरवारय दुने जक लागुलि हे थथे जूगु जुइमा ।

सरल स्वभावयापि ज्यापुतेसं स्यंगु प्याखं प्राचीन नाटक  
स्वया सरल जूथे सरल हे किसिमं वयने नं फु । श्व प्याखं  
वयनेत वसइस तयेगु छेरि छगू, प्याखं हुलेत व वाजंखलत  
चवनेत नइ पा सुकू न्हांगु माथं वंगु थाय् छकू दयेव कुगा ।  
सुकू हे श्वया दबू ख । प्याखंमोत वस पुना च्वत्तले सुकुलिइ  
छकुनय च्वना न्हाइ म्ह ज्यापुत पळिमा थाना वांसुरी पुया  
चवनी । फुक्क थिक्क जुइव वांसुरी दी । आ प्याखं शुरु जुइ ।  
तर, श्वयां न्ह्यो सूत्रधारया रूपय चिन्तांमुनि पिहां वइ ।  
चिन्तांमुनि धयाम्ह मा-प्याखंमो ख । वनाप छम्ह वा-प्याखंमो  
नं वइ । निम्हं जाना न्ह्यो ल्हाइ । श्व न्ह्यो मगखिया तालय ल्हाइगु  
चलन दु । चिन्तां-चिन्तां याना मगखि थाइगुलि हे चिन्तांमुनि  
धागु जुइमा धाईपि नं दु । न्ह्यो ल्हाये धुनेवं निम्हेसिनं बँय थिया  
अन्याइ । नेवाते न्हांगु यासां पृथ्वी माताया लिधंसा कया  
जक याइगु जूगुलि थन नं बँय थिया अन्याना पृथ्वीमाताया  
शरणय वंगु ख । थुलि धुंका वा-प्याखंमोले प्याखंया बारे  
छत्वाचा खे कनी अले निम्हं प्याखं हुहुं वनी । ज्यापु प्याखं नं

प्राचीन नाटकथें चक्कं दबुलिइ हे वयनेगु चलन । न्हापान्हापा  
श्व प्याखनय नं प्याखंमोत दबुलिइ दुहांपिहां जुइवले आथें  
लुरुलुरु वये-वने याये मज्जिउ । न्हांगु ज्यापु प्याखनय नं निम्ह  
चैन सिपाही द हे दइ । थुपि न्हावले वाजंया तालय अजुगति  
पाइपुक तित्तिन्हुया वइगु । जुजु, लानी, मंत्री व भारदारत प्याखं  
हुहुं वइगु, प्याखं हुहुं हे वनीगु । विरह याना वइ-वनीवले  
जक प्याखं महु । द्योपिनि व ऋषिमुनिते प्याखं हुलेमो । वाजंया  
तालय पला जक छिनावयेव गा । दैत्य व लाखेत धासा थगु  
स्वभाव कथं ग्यानापुक तित्तिन्हुया वइगु । तर, न्हाम्हं वये-  
वनेवले दबुलिइ छचा चाहिले हे मा । श्व प्याखंया वाखं  
प्राचीन नाटकयथें जातक, पुराण व न्यँक वाखनं हे लिंक्या-  
तइगु ख । 'कवीरकुमार', 'मधुमालती', 'हरिश्चन्द्र',  
'लालहीरा', 'मणिचूड राजा' इत्यादि थज्यागु हे प्याखं ख ।  
प्राचीन नाटक आपाथें याना हिन्दी भासं चवयातगु दु ।  
'गोपिचन्द गोरख विजय' बंगाली भासं चवयातगु ख । 'महा-  
सत्त्वोपाख्यान' व 'रत्नेश्वर प्रादुर्भाव' थें ज्यागु गुगु-गुगुं  
नाटक नेवा भासं नं दु । तर, ज्यापु प्याखं थगु हे भासं जूगुलि  
गुहा-बुहि, मचा-मिसा सकसिनं अपुक थुल । श्व प्याखं सक-  
सितं थगु व हगु छगू कारण श्व नं ख । तर, श्व प्याखनय  
मुख्यमुख्यपि प्याखंमोतेसं हालीगु म्ये ला हिन्दी भासं हे  
हालीगु ख । म्ये वरु अनेक राग व तालयागु मजुसे दोहा  
जक जुइः—



हे सखीरी हो आकाश में तो बादल नहीं काहेको बरसत बूँद  
काहे कारण गिरल आंसु काहे मन पछुताई ॥१॥  
हे प्रीतम हो छइ महीना पुगन लागी राजा दंकिनी मारियो खूँई  
सोही कारण गिरल आंसु सोही मन पछुताई ॥२॥

( मधुमालती )

हे लाल हो बालापनकी लागल पिरति कोई पृछल बात ।  
माता पिता विछोड करलेउ कैसे कथौ दिन रात ॥१॥  
हे हीरा हो एक ही रंगके पहिरन पहलहउ चलो हो घोडाके पीठ ।  
रहनि चलिउ दूर ही देश कौने छुतावल प्रीत ॥२॥

हे विदेशी हो कौने दिशा से आई हो तुम कौन दिशा में जाई ।  
कथा हो तुम्हारा जातहि बंसी कौने कामले आई ॥१॥  
हे राजा प्रीतमसेन हो पूर्व दिशा से आयल राजा पछिम दिशा  
हम जाई ।

हमरा जात राजही बंशी मुलुक फिरनको आई ॥२॥

( लालहीरा )

हे बुद्धिसेन हो पासा खेलत पिताजी आई पासाथकि च्याति  
दियो है ।

ऐसा देश में क्या रहू भाइ अब हम परदेश जाई ॥१॥  
हे राजकुमार सत्तलसेन हो आजकी रात में देश बाहिर शंख  
पीपलमुनि जावैं ।

जौन आगे पहुंचलता है उसको तहीं भेट करैं ॥:-॥

( सत्तलसेन )

ज्यापु प्याखनय थुकथं दुहा लहाना न्हस-लिस थायेगु चलन  
हु । दोहा लहाइबले वाजं थायेमो । तर, चैनसिपाहीतेसं व  
घिन्तामुनिचां हालोगु म्ये धासा थगु हे भासं जुइ । अन्नाजि  
३५ वैं न्ह्यो छगू ज्यापु प्याखनय घिन्तामुनिचां नेपाली नं म्ये  
हागु दु । व म्येया धुवा थये:-

“घिन्तामुनि आयो म ता डरायो,  
बाघ होइन भालू होइन किन डरायो ।”

ज्यापु प्याखनय दकले न्हापां नेपाली म्ये हागु थव हे ख । वया  
३-बदै लिपा घिन्तामुनिचां मेगु नं छपु म्ये नेपाली हागु दु ।  
व म्ये थव हे ख:-

“कता गयो त्रिशूली गङ्गा हिमालको पानी हाँ  
पानी माग्दा जुत्तै भिज्यो पल्लो घरकी नानी  
जाउँ वरु नानी विरानो मुलुक ॥१॥  
सुनकोसी जाउँला माझा मारी ल्याउँला हाँ  
नानीलाई ताके भरी भुटी रुवाउँला  
जाउँ वरु नानी विरानो मुलुक ॥२॥  
फूलबारी जाउँला फूल टिपी ल्याउँला हाँ  
नानीलाई कपाल भरी लाइदिउँला  
जाउँ वरु नानी विरानो मुलुक ॥३॥



ज्यापु प्याखनय् चैनसिपाही व घिन्तामुनिया तधंगु  
महत्व दु । स्वकुमिते नहीवेगु हे चैनसिपाहीते मुख्यगु ज्या  
ख । सिपाही जूगुलि थुमिके सियागु तुप नं दइ । बापा ख्वा  
जक तोपूगु चिकिचापागु ख्वापा पुयातइ । छपा ख्वापातय्  
न्हाय् फसोसा मेगु ख्वापातय् म्हुतु बेकोया च्वनी । धात्थे  
धायेमासा थुपि सर्कसय् पिहां वइपि जोकरतथे च्वं । खँ ल्हायेत  
धासा तस्सकं हे चंख, यले बाथथे हे धूर्त । थुमिसं छुं पाथ्पीथ्  
वयेकातगु दइ मखु । गबले' निम्ह खँ ल्हाना, गबले' खँय्खँय्  
भयालय् च्वना प्याखं स्वयाच्चं पि ल्यासेतत ध्याचू नका, गबले'  
म्ये हाला स्वकुमिते हार्रहार्र न्हीका च्वनी । थुमिसं हालीगु  
म्येया छुं नमुना थन बीः—

( १ ) छंत बियगु भुलायगाया दोंगा जमान पक्का जुल रे ॥  
कासा मैजु छु खँ ल्हाना जवाफ जित बिब रे ॥  
आ हे वय्ला हनिचा वयला वयगु थेकान याव रे ॥

( २ ) ब्याह याना स्वला मरुनि गुला दुम्ह मचा दत ॥  
थर्थि जाम्ह मचा वाना मांम्ह मेथाय् पयन वन ॥

प्याखनय् भचा जक म्हाइपुगु, आपा ख्वलु पिचागु लु  
सिधये साथं थुमिसं दबुलिइ वया हिसि दयेक, यइपुसे च्वंक  
खँ ल्हाना अथवा म्ये हाला स्वकुमिते म्हाइपु छथाना बीगु ।

नाटक शुरु जुइ न्ह्यो सूत्रधारया रूपय् थोल्हावयेगु वाहेक  
घिन्तामुनिया नाटक नाप मेगु छुं सम्बन्ध मदु । तर,

घिन्तामुनि मदुगु ज्यापु प्याखं प्याखंथे हे च्वनी मखु । प्याखं  
सिधयेव फुक्क प्याखंमोत दबुलिइ वया हानं छक थोल्हाइ ।  
थ्व थोल्हाइवले सुनानं प्याखं हुलेमो । सकले' मोलाक दना  
बिन्ति याना च्वनी अले स्तुति यायेथे थज्यागु म्ये हालीः—

“ जय जय देव शान्त मुरति जय जय जय भगवान्  
पार तरे जुल प्रभु तीर्थ धरम ।”

म्ये हालेधुंका सकले' थथपि दनाच्चनागु थासय् हे फन्नफन्न  
स्वचा चाहिला ल्हातं वय् थिया अन्याइ । थ्व वय् थिया  
अन्यागु पृथ्वीमातायाके विदावाजि कागु ख । धात्थे धायेगु  
जूसा प्याखं थन हे फवचाइ । तर, थ्वयां भचा लिपा घिन्तामुनि  
दबुलिइ वया स्वकुमिते नुगलय् हानं छक लय्ता वावयेका बी ।  
घिन्तामुनिया नाटक नाप विशेष सम्बन्ध छुं मरुसां ज्यापु  
प्याखनय् धात्थे मज्जा वइगु हे आतिनि । नगद आम्दानीया  
लँपु चालीगु नं थुकि हे तिनि । तुति घेचुइका, जँ तोथुला, ल्हा  
व्वयेका, मिखा संका, छथीं बेकोयेका, नुगपाय् पिब्वया अनेक  
हावभाव व इत्ता याना कोकि भंगलंथे मधुरं म्ये हाला वं  
प्याखं हुलीवले मन्त्र-मुग्ध जुया मिखा हे लिमकासे स्वया-  
मच्चनीम्ह सु जक दइ ! प्याखं हुहुं वना दवूया छचाखेरं च्वना  
स्वयाच्चं पि ल्याय्म्हतेत रुमाल वांछयाबीवले उकी पाँय्मोह  
पोचिना मबीम्ह सु जक दइ ! घिन्तामुनिया दवू सुकुली दुने हे  
जक सीमित मजु । प्याखं हुहुं व सुकुलि नं प्याहाँ वं । गुगु



मयाया कवे वना व प्याखं हुलीगु ख व मयालयं चवना स्वभा-  
 च्वंमहेसित पाँयमोह कुर्का बीगु करं हे क्यनीगु । मिहचाय्  
 पाँयमोह मतसे ज्यापु प्याखं स्ववनीपि ल्याय्मह-लयाखेत  
 गबले गबले सीथें मझाला लिहां वयेमाला चवनीगु । छायाभासा  
 घिन्तांमुनि गबले सुयात तातुनीगु ख धायेफुगु मखु । घिन्तां-  
 मुनिया पुलांगु म्ये थज्यागु खः—

(१) यकां तिकां करकाया पतासि हां  
 सिये मखंक यन रे, सिये मखंक यन रे ॥ धु ॥  
 कोथाय् वने बापा पिला खने हां  
 जि म्हाय् लुमंसे वयु रे, जि म्हाय् लुमंसे वयु रे ॥१॥  
 अहोसा भारी लाभा तरकारी हां  
 नये मखं गुन्नाचैके लात रे, नये मखं गुन्नाचैके लात रे ॥२॥

(२) सँ छयने ककीचा सिच फाये नतूचा हां  
 म्हा छम्हं खनेदुगु न्हायकंचा  
 म्हा छम्हं खनेदुगु न्हायकंचा ॥१॥  
 चिनी साखलं वा बुये दुरुमहिं कोलं बुये हां  
 जाकिचुनं तुति सिले मझाला  
 जाकिचुनं तुति सिले मझाला ॥२॥

घिन्तांमुनिया म्येया लय् निगू किसिमयागु दु । छगू ला च्वे  
 च्वंगु म्येयागु हे जुल । थुगु लय्यागु छपु न्हगु म्ये स्वयेः—

“ चीन व नेपा तताकेहे मखुला हां ?  
 गुलि बांलापि गुलि हिसि दुपि !  
 हिमालयं गथि चिना छधी यानातपि ।  
 माउ व महेन्द्र दाजुकिजा मखुला हां ?  
 गुलि जक जापि, गुलि जक ह्यापि !  
 पञ्चशीलया सूत्रे छपा जुयाच्चपि ।  
 मञ्जुश्री व बुद्ध वहे छम्ह मखुला हां ?  
 गुलि ज्ञान लापि, गुलि ध्यान गापि !  
 संसारस शान्ति हय्त सिनासिना म्वापि । ”

२०१५ सालय् श्री ५ या सरकारया निमन्त्रणाय चीनिया  
 सांस्कृतिक प्रतिनिधि मण्डल नेपाल वबले नेपाल-चीन मैत्री  
 संघपाखे ग्वगु स्वागत समारोहय् नासखलया कलानेत्री  
 सुशीला मैजुं थव हे म्ये हाल्ला घिन्तांमुनि प्याखं हगु ख ।  
 चीनिया कलानेत्री आइतुला मैजुं थव प्याखं सयेकावना  
 चीनय् जक मखु बर्माय् समेत हुला क्यने धुंकुगु दु । भी जुजु  
 श्री ५ महेन्द्र चीन विज्याबले हुलाक्यंगु थव प्याखंया किपा  
 तक नं वये धुंकुगु दु ।

मेगु लययागु म्ये थुकथं खः—

“ हनं जगत जननी माता थुगु दुःख सुया न्छोने ह्याये ॥धुां  
 माम मद्दु बुबा जि मद्दु जलखला इष्ट मद्दु



सुया भरे च्वना जीवन हने ॥ १ ॥  
 बालखया बखतस ज्ञान गुण जिनं महु  
 अनाथया बखतस जोभन खेलस वन ॥ २ ॥  
 जलाखला पासापिनि कायमचा बुयावल  
 त्रि पापी मिसाया पुरुष हे महु ॥ ३ ॥  
 लख महु पुखुलिस न्याचा गथे च्वनी दैव  
 करमन धिक्कार जित जुल ॥ ४ ॥”

आ धव लययागु न्हूगु म्ये स्वये :—

“ मी जुजु महेन्द्रया शुभराज्य अभिषेक खव ॥ धु ॥  
 हिमाल कुसा, समथल वसा, वांगु बन परवत तिसा  
 अति हिंसि दुहा जुजु मीह धव जुल ॥ १ ॥  
 पिरति यासे, हरषन जुसे, कलस हाय्का अति लस तासे  
 लसकस जुजुया याये मीसन माल ॥ २ ॥  
 ह्मिग सपना थौं जुल विपना महेन्द्रनाप जूगु धव मतेना  
 नेपाल कोथास हने मी दयमाल ॥ ३ ॥  
 स्वतन्त्र राष्ट्र ह्मपति जुजु, जय नेपाल ह्मपा म्हुतुं जोगु  
 जुजु परजाया जय जय जय जुयमाल ॥ ४ ॥ ”

धव हे म्ये हाला सुशीला मैजुं श्री ५ महेन्द्रया शुभराज्या-  
 भिषेकया उपलक्ष्ये आयोजना जूगु विभिन्न लोकनाच व  
 लोकगीतया प्रदर्शनी प्याखं हूगु ख । च्वे वंगु न्हूगु म्ये निष्पुं

जि हे च्वयागु ख । थुकथं विभिन्न विषययात कया थज्यागु  
 न्हूगु म्ये च्वयेगु जुयावगु दुमां तवि घिन्तामुनियागु पुलांगु  
 म्ये आपाथे याना ल्याय्हा-ल्यासेतेत यइगु माया व मतेना  
 सम्बन्धी म्ये हे खने दु । मी कवि चित्तधर हृदयं च्वयातगु  
 म्ये हे नं माया व मतेना जायाच्वंगु दु । वय्कयागु म्ये  
 धव हे ख :—

“हननन बाजन थाका हा जिमि पासा ख्वय्कं ख्वय्कं यन ॥ धु ॥  
 माम बुवां गुलि मतेना याना स्वाथे याना लहिनातहा  
 हा याकचा गय् तइच्वन थे मन ॥ १ ॥  
 योथे नका योयोथे पुंकातहा व अय्थय् धइगु मस्युहा  
 हा जिमि पासा ख्वय्कं ख्वय्कं यन ॥ २ ॥  
 ह्मिताह्मिता गुलि लय्लय्ताया पासा सकलें मुंका जुइहा  
 हा विचरीनं गय् तइच्वनि वं मन ॥ ३ ॥”

थज्यागु म्ये मदयेकं ल्याय्हा-ल्यासेतेत चुम्मकं थे साले नं लां  
 फइ मखु, अले इमि ह्मिचाय् क्वाक्क तयातगु पांय्मोह नं सुरुक्क  
 पिल्हके फइ मखु । घिन्तामुनिया हावभाव व कटाक्ष नं अथे हे  
 कामोत्तेजक । प्याखं हुहुं वना ल्याय्हा दाजुयागु न्यता तीगु,  
 ल्याय्हा-ल्यासेतेगु रुवा स्वया मुसुमुसु हिलेगु, मिखा प्याखं  
 हुइकेगु, नुगपा व्वया क्यनेगु कम कामोत्तेजक मखु । घिन्तामुनि  
 धव रूप धारणा यागुया मुख्य कारण धव भारतीया सभ्य,  
 सुसंस्कृत व परिस्कृत प्रतिमूर्ति जूगुलि हे ख । अर्थात् भारती



प्याखं हुइके मदयेका विसेंलि वयागु प्रेतात्मा थें जुया वगु  
ध्व चिन्तांमुनि प्याखनय वयागु छुं चि स्वचाइगु स्वाभाविक  
हे ख।

चिन्तांमुनि प्याखं ज्यापु प्याखनय दइगु छगू फुतकर  
प्याखं ख। हनुमांधवाखाय ज्यापु प्याखंया हाजिरी झाकवनी-  
बले ध्व हे चिन्तांमुनि प्याखं जक हुइकीगु ख। अय्सां तधि  
राणा शासनया झागु प्रतिबन्धं याना गुं पुही जोछि व  
यँन्यापुही जोछि ज्यापु प्याखनय हे घाना सिबेत मेबले ध्व  
प्याखं क्यनेगु तागत सुयातं मरु। वीरशम्शेरया पालय जगु  
हीराचा भारनीया पर्व लिपा चन्द्रशम्शेरया पालय जगु  
सबुजचा भारनीया पर्व याना सकस्यां सातु वनाच्वंगु।  
दरबारय दुने प्याखं छें थापना जुया दरबारियाते यन्बले  
तालीमी नानीपनिगु प्याखं व म्ये, हावभाव व कटाक्ष उपभोग  
यायेदसें लि चन्द्रशम्शेरं जनताया निति गुं पुही व यँन्यापुहीबले  
जक प्याखं हुले व हुइके दुगु नियम दयेका विसेंलि रासलीला  
समेत हास जुयावन। चन्द्रशम्शेरं दयेकाथकूगु व नियम  
१६६६ साल तक सुनानं वदर याये मफु। २००० सालं  
दलदोयाह्य कान्छाभाइ यागु चिन्तांमुनि प्याखं स्वया मोह  
जुया जिमि किजा कमलबहादुरया सुंसुं प्रगतिशील पासापिसं  
उम्ह कलाकारयात हया चाहस्या बखतय भयाभी, खापाखिपा  
फुक्क तिना जिगु हे वैठकय प्याखं हुइकल। ज्यापु प्याखं नाप  
फाया फुतकर प्याखंया रुपय चिन्तांमुनि दकले हाप्पां प्याखं हुगु

ध्व हे ख थें च्वं। वयां लिपायागु दंनिसें ज्यापु प्याखनय  
चिन्तांमुनि खने नं मदयावन। थौं कन्हे ध्व प्याखं लोकप्याखंया  
रुपय न्हाथासं हुइकाच्वंगु खनेदु। २०१६ सालय शान्ति  
रक्षा स्वयं सेवक संघं सरकारी सहायता कया ग्वसा ग्वगु  
'गोयात्रा इन्द्रयात्रा कला पुरस्कार समिति' या कार्यक्रम  
अन्तर्गत आश्विन १२ गते हनुमांधवाखाय जगु चिन्तांमुनि  
प्याखंया प्रतियोगिताय नासखलया कलानेत्री सौभाग्यवती मैजुं  
हापा लाका तक्मा सहित २००।-दां नं पुरस्कार काल। व हे  
सालय प्रजातन्त्र दिवसया उपलक्षे श्री ५ या सरकारया पुरातत्व  
व संस्कृति विभागं आयोजना यागु सांस्कृतिक प्रदर्शनीइ  
नासखलया कलानेत्री रत्नपूर्णा मैजुयात पदक प्राप्त जुल।  
वयां लिपायागु दय् मैजु निर्मला देवीयात पदक बल। व नं  
नासखलयाह्य हे ख। ज्यापु प्याखंया ज्यू थें जुयाच्वंगु  
थज्यागु चिन्तांमुनि प्याखं थौं कन्हेयागु नाटकय दर्शन तक नं  
याये मरुगु साप हे नुगमझिनापुगु खं ख। थौं खं हे 'खास  
लेना, खास देना' धयागु जुइगु। चिन्तांमुनिया चमत्कारं  
लठु याना स्वकुमितेगु क्वागु ध्ववा कुर्का कायेगु विचार हे  
मदये धुंकल। वरु अलिङ्गिया पिण्ड जुया गबले गबले दृश्य  
त्वाहाना प्याखं क्यनेगु बेइमानी जक थौं कन्हेया गुगु गुगु  
प्याखं खलतेके खने दु।

ज्यापु प्याखं ला थौं तकं दनि। तर, नां जक ज्यापु प्याखं,  
प्याखंमोत फुक्क हे मेमेपि। १६६६ सालया गुं पुहीबले



डिल्लीवजारया ल्याय्हातेसं बालकृष्ण समं चव्यातगु 'ध्रुव'  
नाटक ज्यापु प्याखं थें क्यना प्याखन चवनेगु बांमलागु ज्या  
मखु धयागु आदर्श सकस्यां न्होने तयाविल । गङ्गाबहादुर  
बस्नेत, मुकुन्दनाथ शर्मा, पुष्करनाथ उप्रेती व चन्द्रमानसि  
थुकिया मुख्यमुख्यपि प्याखंमोत ख । पं. केशव हलुवाई  
थुकिया प्रमुख हर्ताकर्ता जुया इमित माक्को उत्साह व उमंग  
विउगु ख । वया निदं-स्वदं लिपानिसें नेपाली भासं नं ज्यापु  
प्याखं क्यनेगु चलन जुल । नापनापं अबले निसें ज्यापु  
प्याखं ज्यापुते ह्मातं लाक्कायेगु जक मजुसे गुंपुही व  
यँन्यापुहोवले चक्कं दबुलिइ क्यनेगु विशेषता छगू तोता  
मेगु छुं हे थुकी मल्यन । १९६७ सालय् कान्छाबुद्धं स्यंगु  
'कर्मवीर कामेश्वरी' धयागु ज्यापु प्याखनय् प्याखं हुहुं  
प्याखंमोत वये-वने यायेगु मजुसे बाजंया धूनय् जक वयेगु-  
वनेगु जुल । म्ये नं फिल्मया नक्कल याना लय् तयातगु न्हूगु  
पहयागु म्ये हालेगु जुल । दोहाया परम्परा तन । चैनसिपा-  
हीतेत घातय् यंकल । स्वकुमितेत ह्रीकेगु ज्या थिएटरय् थें  
कमिकं यात । पछिमाया थासय् तमल, बांसुरीया थासय्  
हार्विन ला 'ध्रुव' प्याखनं निसें हे प्रयोग जुया वये धुंक्कु ख ।  
कान्छाबुद्धं पछिमा व बांसुरीयात वहिष्कार मयासां हार्विनया  
नापनापं भ्वाइलिन नं दुध्याका बिल । प्याखंया भाय् नं  
नाटकीय भाय् मजुमे खंहाबहाया भाय् जुल । मचांनिमे  
थिएटरय् च्वना नाटक सम्बन्धी तालीम कयावह जूगुलि

ज्यापु प्याखनय् सहेलीत तयेगु छगू न्हूगु परम्परा नं स्वना  
बिल । प्याखंया बाखं सहश्ररजनीयागु जूगुलि जुजु, रानी,  
मन्त्री व मैबापि हे मू प्याखंमो जुयाचवनीगु परम्परा धासा  
उगु दय् तकं ल्यना हे च्वन । वयां देछि लिपा अर्थात् १९६८  
सालं स्यंगु 'अनुराधा' प्याखं धासा मुक्कं हे सामाजिक जुल ।  
व हे सालं पिदंगु मेगु प्याखं 'बिस्मरत्न' नं सामाजिक हे ख ।  
जुजु, मन्त्री व महारानीपिनिगु गुणगान व प्रशंसा नाटकया  
क्षेत्रं हाकुतिना वन, जन साधारणथा जीवनय् जुइगु सामाजिक  
घटना हे प्याखंया विषय जुयाविल । तर, २००७ साल तक  
उबलेयागु शासन पद्धति याना प्याखनय् गुगुं किसिमयागु  
राजनैतिक खं जक स्वचाके मजिउगु मखु कि प्रचलित  
समाजयात नं आक्षेप याये मजिउ । अकिं राज व समाजयात  
वाधा मजुइगु ल्याय्हा-ल्यासेया प्रेम व विधवा विलापथें  
ज्यागु साधारण खं हे जक अबलेयागु प्याखंया कथानक  
जुयाचवनीगु । तर, २००४ साल बैशाख १७ गते काठमाडौं  
उपत्यकाय् जूगु ऐतिहासिक सत्याग्रहं राणा शासनया नी  
वाराक्वारा संकाविल । ल्याय्हातेके राजनैतिक जोश व होश  
पिदना वल । २००६ सालया यँन्यावले शिक्षित ल्याय्हातेसं  
भ्याचिकु मजुसे क्यंगु 'समाज' धयागु प्याखनं नाटक परम्पराय्  
छगू न्हूगु हे अध्याय तनाविल । धव प्याखनय् व्वति कयादीपि  
मुख्यमुख्यपि व्यक्ति जीवन प्रसाद श्रेष्ठ, पन्नाकाजी शाक्य,  
प्रेमबहादुर श्रेष्ठ, हरिप्रसाद रिमाल, प्रचण्डराज व बाबाराज



भाजुपि ख । थव प्याखं, खयेत ला, थ पासापित जक क्यनेत  
स्यंगु वइग प्याखं ख । तर, गुंपुन्ही न्होने वगुलि सरकारी  
प्रतिबन्धं मुक्त जुइगु उद्देश्यं गुंपुन्हीखुनु छन्हु पिदना प्याखं  
दिकावद्धत । थव हे प्याखनंनिसें तज्जायेक दवु दयेका प्याखं  
क्यनेगु चलन बल । प्याखंया कथावस्तु विधवा विवाह ख ।  
विधवा विवाह धयागु ब्रह्म व क्षत्रीते बाहेक नेपायागु मेगु  
फुक्क जातीया नं याये जिउगुलि सरकारं थव प्याखं क्यनेगु  
स्वीकृति बियाहल । तर, जानकीप्रसाद प्रधानं व प्रेमबहादुर  
श्रेष्ठ सूत्रधारया भेषय् वया नाटकय् चव्यामतगु खँ धया  
सामाजिक कुरीतियात अप्रत्यक्ष रूपं भर्त्सना यायेगु ज्या  
यात । हानं मेमेगु प्याखनय्थे स्वांग जक मयासे दबुलिइ  
चवना धात्ये हे छग हुखाय् सकमिनं वक्तां त्वनेगु व छपा  
देमाय् तया सकसिनं नयेगु नं यात । थुकिं याना तस्सकं  
खैलाबैला जुल । मोहनशम्शेरं शासन यासें निसें राजनैतिक  
चहलपहल र्मर्मं थय्याना बनाचवंगु । अले छु मानि ! हरेक  
स्वालं प्याखं स्वयेगु मांग यानावद्धत । फलस्वरूप कलाकारते  
सास थाहां बल । गुंपुन्ही सल्ला यायां हे वन । तर, यँन्यापुन्ही  
ला ल्यं हे दनि । थव यँन्या जोळि प्याखं क्यनेत अनेक विघ्न  
बाधाया सामना यायेमाल । २००३ सालया अन्त पाखे 'एक  
युगमा एक दिन एक चोटि आउंछ, उलट-पुलट उथल-पुथल  
हेरफेर ल्याउँछ' धयागु म्ये हाला भगवतीया प्रार्थना यापि  
मयारखानावास जुइमाल धासेंछि २००६ सालया मध्य पाखे

अपायसकं छाक्क शासन जुयाचवंबले थव क्ये चवंगु पुच-म्ये  
हाला प्याखं शुरु यासेलि विघ्न-बाधा नं गथे मवइ धाये ! म्ये  
थव हे खः—

“ नेपाया भी रक्त ख, भी मस्त ख, भी मस्त ख,  
गुलि देना च्वने भी, पासा दना देश सो,  
ल्हा ब्यका सताचोन मानं बीर दें धका ॥धु॥

गुलि देना च्वना छ, ज्या याय्त मिखा कं, याक्नं कं,  
जुई सफल भीगु ज्या, कष्ट भीसं फय्मा ॥१॥  
कष्टं हे जुइकी महान् उच्च व्यक्ति निह, महान् उच्च व्यक्ति,  
थव हे सदां मने तया या छं ज्या पासा निह, या छं ज्या  
पासा ॥२॥”

तप्यंक छुं कारवाइ मयासे अनेक त्रास क्यना, बिक  
याना कलाकारते पाखे हे प्याखं भताभुङ्ग याकेगु नीति  
सरकारं यात । तर, प्याखंया च्वमि व कजी जीवन प्रसाद  
श्रेष्ठ भाजुं सिंहदरबारय् हजूरिया जर्नलया न्होने दँवने  
मासां, थानाया हाकिम चन्द्रबहादुर नाप गरमागरम बहस  
यायेमासां भचा हे मग्यासे क्रान्तिकारी कलाकारते सहयोगं  
च्यान्हु यंकं प्याखं क्यना जनताया मांग पूरा यानांतुं तोतल ।  
थुकथं ज्यापु प्याखं नं छको राजनैतिक हलचल हइगु विषय  
जुयावन ।



२००६ सालय् 'समाज' नाटकं राजनैतिक हलचल हल ।  
 २००२ सालय् 'करुणा-कुब्ज' नाटकं क्रान्तिकारीतेगु संगठन  
 यात । १९६७ सालयागु प्रजापरिषद् काण्ड सिधसेलि सूर्यबहादुर  
 भारद्वाज, शम्भुराम श्रेष्ठ, पुष्पलाल श्रेष्ठ व जि समेतं एम्हेस्या  
 सहा याना १९६६ सालय् बैशाखं छगू भूमिगत राजनैतिक  
 संस्था दयेका । वयां छुं दिन लिपा राजाराम कर्माचार्य, भैरव-  
 गोपाल बैद्य व कामाक्षा देवी ३ म्हेसित सदस्य दयेका संस्थाय्  
 दुध्याका । वयां लिपायापि गुम्हंगुम्हं सदस्यते पाखें धोखा  
 जुया संस्थाय् शिथिलता वगुलि शिक्षा कया आर्वलि सदस्य  
 दयेकेवले तन्हु तक संगत याना आन्द्राभोरि सीका जक सदस्य  
 दयेकेगु धयागु निर्णय जुल । श्व निर्णय वशं छगू दैग एयाखं  
 स्यना उकी व्वति कापित ह्ययाह्यया सदाय दयेकेगु धयागु  
 विचारं २००२ साल पाखे जि 'करुणा कुब्ज' एयाखं च्वया ।  
 नाटकय् अन्तर्जातीय विवाहया समर्थनया नापनापं क्रान्ति-  
 कारी विचार व भावनाया लेंसां नं थाय्थासय् स्वभावना च्वंगु  
 दु । तस्सकं उप्रवादी जुल धागुलि भचा संशोधन यानालि  
 जिगु हे छेँ स्यनेगु ज्या जुल । नाटकय् व्वति कापि मुख्य-  
 मुख्यपि पासापि पुष्पलाल श्रेष्ठ, सूर्यबहादुर भारद्वाज, नन्दलाल  
 जोशी, महेश्वरमान श्रेष्ठ, मदनलोचन सिंह व झुलेन्द्रमानपि  
 ख । एयाखं स्यनेगु ला छगू तोह जक ख, मुख्यगु उद्देश्य भूमिगत  
 संस्थाया निरिति सदस्यत ह्येगु जूगुलि एयाखं पूर्वक स्यना क्यने  
 मफुसां मूलगु उद्देश्य सफल हे जुल धायेमा । २००२ साल मार्ग

१४ गते जुद्धशम्शेर पद्मशम्शेरयात श्रीपेच लहाना थ राजर्षि  
 धायेका रिडी पाखे वन । वयां छन्हु न्हो चान्हे 'साधू विरालो'  
 धयागु पर्चा हलेगु ज्या थ्व हे कलाकारतेसं यात । भूमिगत  
 संस्था संघर्षया ख्यलय् क्वच्वायेगु ज्या थ्व पर्चा'निसें शुरु  
 जुल । वयां छुं दिन लिपा द्वितीय महायुद्धं सिपाहीत  
 लिहां वल । इमिसं ज्वनावगु तुप राणा सरकारया विरुद्धय्  
 ल्हनेगु इमित अपील याना मेगु पर्चा पिहां वल । थ्व नं व हे  
 कलाकारतेसं थाय्थासय् तिकेगु व हलेगु यात । अनलि २००३  
 साल पौष १३ गते नेपायागु सर्वप्रथम सार्वजनिक पुस्तकालय  
 'प्रदीप पुस्तकालय' चायेकेत व हे सालं सिलाचन्द्रेया मेलाय्  
 वइपि यात्रुतेगु सेवा यायेत 'समाज सेवा संघ' चायेकेत व  
 २००४ साल बैशाख १७ गते ऐतिहासिक सत्याग्रह यायेत नं  
 थ्व कलाकारतेसं न्याक्क हे गुहालि यात । थुकथं नाटक  
 नेपालय् मनोरञ्जनया विषय जक मजुसे राजनैतिक संगठन व  
 सामाजिक उत्तेजना ह्येगु छगू ज्याभ नं जुयावन । २००७  
 सालं लिपा ला जनताया राजनीतिक व सामाजिक जीवनय्  
 छेकिं तइम्ह राणा शासन हे कोदले धुंक्कगुलि मनं तुनागु  
 विषय ह्यया निर्धक्कां एयाखं स्यनेदत । उकिं याना छम्हा ला  
 गुंपुन्ही व यँन्यापुन्ही बले विभिन्न विषययागु एयाखं त्वापत्ति  
 धयार्थे स्यनेगु ज्या जुल । तर, जन्मदाता ज्यापुते ल्हातं पिहां  
 वने धुंक्कगु थ्व एयाखं हाकनं गबलें इमिगु ल्हातय् मलात । आ  
 ला थ्वं बिलकुल आधुनिक एयाखंया रूपापालं पुने धुंक्कल ।



पछिमा व बांसुरी गुलिगुलिसिनं जक ज्याय् छथ । आपासिनं  
ला भाजु खलया पेवार्थे जुयाच्चंगु हाबिन, तमल व भ्वाइलिनं  
हे ज्या काइगु । कानेस कनाथ तपि नं दु । थुकथं नाटकं बुलुहुँ-  
बुलुहुँ तनावना च्वंगु स्वदेशी पहचहले कानेस कनाथ अन्तिम  
प्रहार यात । न्हापाथे न्हिने प्याखं क्यनेगु चलन नं मंत ।  
२००६ सालय् पं. केशव हलवाइं स्यंगु 'रतन' व डम्बरमानं  
स्यंगु 'शबनम' धयागु थिएटरय् मिसातेसं सार्वजनिक रूपं  
व्यति कया प्याखंया इतिहासय् छगू न्हगु परम्परा स्वना बिल ।  
अथे हे २०१४ सालय् ज्यापु प्याखनय् नं मिसातेसं दकले  
न्हाप्पां व्यति काल । तर, गुम्हं मचात व गुम्हं वेश्यात  
जुगुलि हलयाहा व मुल्याहात जक प्याखनय् च्वनी धका  
तनूतेके दयाच्चंगु मखुगु धारणायात जक तिव वीथे जुल ।  
थुकिया विपरीत स्कूल, कलेज व मांगकृतिक संघ पाखें क्यनीगु  
नाटकय् शिक्षित व सभ्य मिसातेसं व्यति कयाच्चंगु दु, थव  
पक्कां ख । तर, कला जुया व्यति कायेत छम्ह निम्हेस्यां वाहेक  
महिला संघया सदस्यतेसं हे नं हिम्मत याये मफुनि ।

प्राचीन नाटक बुलुहुँ-बुलुहुँ न्दनावलिसे ज्यापु प्याखनं  
वया थाय् काकांवल । रामलीला मचिमचाउ जुया वयाच्चन ।  
हिन्दूस्तानय् रेलवे लाइन लालां हयाच्चन । अयनं नेपालं  
कलकत्ता वनेत मुजफ्फरपुर तक न्यासि वनेमानि । अज्यागु  
वखतय् मणिकमानं कलकत्ताय् वना थिएटरया गतिविधि स्वया  
वया नेपालय् नं थिएटर स्यनेगु परम्परा स्वनाबिल । 'इन्द्रसभा'

प्याखनंनिसं थिएटर दकले न्हाप्पां जनताया न्दोने न्दालवगुलि  
थिएटरयात लिपातकं इन्द्रसभाया प्याखं धायेगु चलन जुल ।  
थव प्याखं पृवंक क्यनेत प्यन्हु वी । प्याखं पिदना थगु हे चुक्य  
निन्हु क्यनेधुं कूवल्य महाराजाधिराज पृथ्वी वीर विक्रमं सत्के-  
हगुलि प्याखं दिका नारांहिति दरबारय् कयवनेमाल ।  
महाराजाधिराज १०००१- व मुमा वडामहारानी ७०००१-  
जम्मा १२०००१- पाँय्मोह बियाहल । तिनिरुयल्य टिकटं प्याखं  
क्यनेगु विचारं १९५८ सालय् सरकारी सि बक्सलपा  
धमाधम दबू दयेकेगु ज्या जुल । अबले हे देवशम्शोरयात  
पितिनाब्जत, चन्द्रशम्शोरया लहातय् शासन बल । अले  
प्राइममिनिस्टर चन्द्रशम्शोरं तिनिरुयल्य प्याखं क्यन धायेव  
हूलदंगा जुइ धयागु आशंका याना 'ध्यवा बिउम्हेसिथाय् यंका  
कय' धका हुकुम बियालि थापाथलिइ थगु हे दरबारय् दबू  
दयेकेबिया प्याखं स्वत, १९००१- पाँय्मोह नं बियाहल । अनलि  
राणाजीते विभिन्न दरबारय् व साहेबज्यूपिथाय् प्याखं क्यनेगु  
ज्या जुल । गोहेन्द्रशम्शोरं थुकिया निंति थगु दरबारय् छगू थुलं  
दबू हे दयेकल । वय्क थव प्याखंया कजी नं ख धयागु गुम्ह-  
गुम्हस्यां धापु दु । थव म्ये-प्याखं ख । थयया भाय् उर्दू धयागु  
मुख्यपि मिजं व मिसा प्याखंमोतेसं ल्हाइगु थव खं सीदुः—

गुलफामः—“ घर से यहाँ कौन खुदाके लिया लाया मुझे  
नींद से आंख किसीकी नखोले कोठे पे ॥ ”



सन्धपरी:—“ सिर पे आंखों पे कलेजे पे बिठाइं तुम्हे  
आ मेरे पास गले से लगाइं तुम्हे ॥”

वास्तव्य उगु हे ताकय कलकत्ताय अल्फेड थिएटरय थव प्याखं  
हुइकातगु जुयाचवन । अकिं मणिकमानं कलकत्ता वंबले प्याखं  
स्वया प्याखंया सफू हया थन नं व हे प्याखं स्यनेगु व्यवस्था  
यागु ख । भाय् उर्दू जूगुया कारण थव हे ख । तर, प्याखनय्  
व्वति कापि मनूते भाय् अशुद्ध जूगुलि लिपा नूरुहीनयात सता  
भाय् शुद्ध यायेगु कुत यात । नृत्यया हावभाव व प्याखंपाया  
निर्देशन यास्ह नन्दलाल बज्राचार्य । कालिमातिइ च्वंम्ह तुलसी  
मानन्धरया जो रामलीलाय् सुं हे मरु । व त्वाय् जूगुलि  
नन्दलाल नं थुकी निपुन हे जुयाच्वंगु जुल । उकिं हे हावभाव  
व प्याखंपा स्यनेगु अभिभारा कागु ख । वीरशम्शेरया ग्हाय्  
साहिला बढामहारानीयाथाय् नं थव हे हावभाव स्यनेगु  
ज्याय् वया जागीर नं दुगु जुयाचवन ।

नेपालय् दकले न्हापां क्यंगु थव थिएटर पहाडया कापिइ  
च्वंपि नेपामिते निंति छगू अजुगतिं जागु खं जुल । चक्कं  
दबुलिइ जक प्याखं स्वयेगु बानी जुयाच्वंपि मनूतेत विभिन्न  
दृश्ययागु धकिं दुगु दबुलिइ प्याखं स्वयेदुगु इमि निंति छगू  
न्हूगु हे अनुभव ख । दरबारय् च्वंपि रानी महारानी व  
केतितेसं जक ज्याय् ख्यलीगु क्रीम, पाउडरं ख्वालय् बुला  
इन्द्रया जवंखवं दनाच्वंपि अप्सरातेत स्वया गुम्हेयां कतांमहि

धका च्वनीगु, गुम्हेयां किपा भापीगु हं । लिपा इपि सनाहयेव  
तिनि मनू हे खनिका धका वाताहाँ च्वंच्वनीगु हं । थुकथं छुं  
दिन चहलपहल हयेधुं कालि ध्यवाया खंय् कलाकारते ल्वापु  
जुल ! छन्दु प्याखं खल हे कुचा दल । अले नूरुहीन, माहिला  
जोशी व सिद्धिमान स्वम्ह जाना ‘शकुन्तला’ व ‘लैलामजनू’  
निगू प्याखं स्यन । धकिया व्यवस्था यायेगुली नूरुहीनया जो  
सुं हे मदु धयागु मनूते धापू दु । लिपा माहिला जोशी नूरुहीन  
नाप बाया वना अलग हे प्याखं स्यन । नन्दलालं नं अलग  
जुया हानं ‘इन्द्रसभा’ हे स्यन । थुकी इन्द्र जूम्ह जिमि भिचा  
दाजु धर्मरत्न तुलाधर ख । तर, १९६७ सालय् वया अचानक  
देहान्त जूगुलि वया किजा सिंहलालं पुनर्गठन याना १९७०  
सालय् श्री ५ त्रिभुवनया शुभ-विवाह महोत्सवया उपलक्षे तनि-  
ख्यलय् धरग्वारायाथाय् दबू दयेका प्याखं क्यन । नन्दलालं नं  
‘इन्द्रसभा’ प्याखं स्यंगु दु धयागु खं वयागु प्याखनय् च्वंपि  
प्याखंमोतेसं गुरु मरुगुलि दुःख ताया वया नामं पिकागु  
रामायनीया थव म्ये सीदुः—

“केलटोल मासंगाल में नाम चलाया इन्द्रसभाका गुरु,  
हाय गुरु नन्दलाल नर तन त्यागि गयो ॥  
सरसद्वी साल ज्येष्ठ सुदी षष्ठमि मंगलवार में  
मध्यान्हके एघार बजे पचीस मिनेटको  
अन्तर्धान भयो हाय गुरु नन्दलाल……”



इन्द्रसभाया फय् तिष्ठतय् तक नं ध्यन । नेपालय् प्याखं स्वया  
 लहासा वं पि साहुतेसं अनं नं धव प्याखं स्यना क्यनेगु यात ।  
 थुकी इन्द्र जूम्ह जिमि हे पाजु बाज्या ज्ञानमानसि तुलाधर  
 ख । अनंलि थिएटर स्यनेगु ज्या भचा वझामुल । लगंयाम्ह भीम-  
 बहादुर धयाह्म ग्वावंजा थुगु विषये साहस याना न्हाचिलावगु  
 ख । तर, सफल जुइ मफुत । मणिकमानया श्री ५ पृथ्वीवीरयाथाय्  
 जागीर जुल । पृथ्वीवीर स्वर्गवास जुसेलि फत्तेशमशेर लाठं  
 मणिकमान व नुरुद्दीन निम्हेसितं सता थगु दरबारय् प्याखं  
 स्यनेगु ज्या बिल । नुरुद्दीन अनं हानं श्री ५ त्रिभुवनयाथाय्  
 नारांहिति दरबारय् दुध्याक वन । वनार्प सिद्धिमान नं वन ।  
 मणिकमान जक बागदरबारय् कान्छी मैवा साहेबयाथाय्  
 व छेत्रपातिइ कुलविक्रम राणयाथाय् नानिपित तालीम यायेगु  
 ज्याय् छुं दिन च्वनालि बेपारया ज्या ज्वना थुकिया लथ हे  
 तोता बिल । नारांहितिइ च्वंगु तालीमघर खारेज जुसेलि  
 नुरुद्दीनया हानं सिंहदरबारय् जुद्धशमशेरयाथाय् जागीर जुल ।  
 थुकथं नेपालय् थिएटरया परम्परा हपि मनुते दरबार जक  
 चाहिला न्हि वन । इमिसं स्वनाथकृगु निवय् लिपा आनन्द  
 वस्ताद, बद्रि वस्ताद, बजीरमान, गोवर्धन व डम्बरमानपिसं  
 थिएटर स्यना गुंपुन्ही भक्त धायेका च्वंगु ख । तर, प्याखंया  
 भाय् धासा उर्दू हे । दरबार पाखे जक गबले-गबले 'भर्तृहरि  
 विनोद' व 'अशोकसुन्दरी नाटिका'थे ज्यागु नेपाली भाय्यागु  
 प्याखं नं स्यं । तर, पिने नि १९८६ सालय् नंसालय् च्वंम्ह

नारादासतिनि नेपाली भासं थिएटर स्यनेगु यात । वं लिपा  
 तक्कं गुलि प्याखं स्यंगु ख फुक्क हे नेपाली भासं स्यन । वयागु  
 हे नक्कल याना १९९२ सालय् श्री ५ त्रिभुवन राज्यारोहण  
 जूगु २५ दै क्यंगु रजत जयन्तिया उपलक्षे व हे दैय् पिदंगु  
 सभागृहय् धूंवाराहीचा 'हरिश्चन्द्र' थिएटर नेपाली भासं स्यना  
 क्यन । अनंलि मेमेपिसं नं नेपाली भासं स्यनेगु यात ।

थिएटर धयागु वस्तु हे विदेशी जूगुलि थुकी हावभाव,  
 तिसावस व धाँचाधिंचा नं फुक्कं विदेशी हे पढ व । थिएटरया  
 मुख्य विशेषता धकिनय् जूगुलि धकि दयेकेत न्याक्क हे ध्यवा  
 तू । अकि थिएटर वसे'निसे' लहरबहर व न्हाइपुकेया निति  
 प्याखं स्यनेगु खं तनावन, व्यापारी विचारं थाय् काल । लिपा  
 ज्यापु प्याखनय् नं धवया प्रभाव लात । स्यनेत आपा ध्यवा  
 तूगु प्याखं स्वयेत नं यक्को धववा माली धका धायेमागु हे  
 मखु । थिएटर थिके, ज्यापु प्याखं दं । फलस्वरूप थिएटर  
 धयागु दरबारय् जक क्यनेगु दरबारी प्याखं, ज्यापु प्याखं  
 चाहिं सर्वसाधारण जनतां स्वइगु जनताया प्याखं जुया धव  
 निगू प्याखनय् आपालं वर्ग भेद खनेदत । ध्यवाया ल्याखं  
 बांला-बांमला बिचा याइगु सामन्ती व्यवस्थाय् थिएटर  
 च्वन्हागु प्याखं ख, ज्यापु प्याखं च्वन्हागु प्याखं ख धका  
 मनुते मत्तिइ नं च्वंवन । कलाया सूक्ष्म व सिर्जनात्मक सौन्दर्य  
 सिकं कृत्रिम मिलिमिलि सौन्दर्य मनुतेत अप्पो साल । कलाया  
 तुयूगु न्यतालय् विज्ञानया ह्याउंगु रङ्ग छिनाबिल । कला व



विज्ञान ल्वाकज्याना दुगु थव थिएटर प्राचीन नाटक व ज्यापु  
प्याखं स्वया बांला, न्हाइपु—थव खै पक्का ख। तर, २००६ साल  
पौष ०६ गते मोहनशम्शेरया जन्मदि खुनु 'मोहन सिनेमा  
भवन' चासेलि थिएटरासकं अप्पो वैज्ञानिक, अप्पो न्हाइपुगु,  
यइपुगु नैवाकिपा स्वया लय्ताये दत। अले ला थिएटर  
विलकुल मयया वन, घञ्जाया पुयावन। २००७ सालय् राणा  
शासन कोदसेलि ला राणाते हे कृपा बूगु, व्वलंगु व  
म्बानाच्चंगु थिएटरयात अन्तिम प्रहार लात। दरबारय् च्वंपि  
तालीमी नानीपिनि छिकिछ्याम् जक २०११ साल भाद्र ११  
गते खुनु हिजहाइनेस फिलड मार्शल केशरशम्शेरया कला ज्येटी  
शाहजादी लक्ष्मीराज्यलक्ष्मीया देहावसान जुया शाहमहलया  
रंगशालाय् खिमिलां कसेलि तिनि तायेमंत। शाहमहलं  
पिहाँ वपि कुमारी थापा व कुमारी कार्की धापि निह्वा तालीमी  
नानिपिसं श्री ५ महेन्द्रया शुभराज्याभिषेकया उपलक्ष्ये ग्वसा  
ग्वगु लोकप्याखं व लोकम्येया प्रदर्शनीइ नं व्वति कागु ख।  
नेपालय् थिएटरया अस्तित्व मंत धका नाय्खि च्वयेकेगु ज्या  
अबले हे जुल। थिएटरया अस्तित्व थुलि याकनं तनावनी  
धका सुनानं हगसय् नं खंगु खइमखु। तर, जुइमागु जुल।  
नापनापं थवं प्राचीन नाटक कलाया कंलाय् जक ल्यंका वयात  
अनुसन्धान यायेगु विषय जक याना थ नापं तुं सति यंकल।

सिनेमां धापा जुया इतिमिति कनाच्चंगुलीसनं प्रजातन्त्र  
वया दरबारया महत्व क्वहाँ वंगुलिं दरवारी प्याखं थिएटरं

अन्तिम सास ह्वात। तर, मेकथं हिलाहाला जूसां जनवर्गया  
प्याखं ज्यापु प्याखं आतकं म्वाना हे च्वनतिनि। अयूनं थौं  
नवाकिपाया हे राज्य जुयाच्चंगु दु, नवाकिपां हे बय् पुयाच्चंगु  
दु। तर, नवाकिपाया नक्कली कला स्वस्वं वाक्की वया  
कलाप्रेमीतेसं नाटक पाखे नं गाक्कं योपह क्यना वयाच्चंगु  
खनेदु। थौंया नाटकय् धकिंया लिधंसा कया दृश्यावलोकन  
मयासे प्राचीनताया पलाखय् वना अभिनय याना हे स्वकुमिते  
ध्यान साला कायेगु व इमित प्रभावित यायेगु कुत यानाच्चंगु  
दु। थज्यागु नाटकया परम्परा १९६५ सालय् बालकृष्ण समं  
थम्हं हे च्वयागु 'मुकुन्द इन्दिरा' नाटक स्यना क्येसांनिसं  
शुरु जूगु ख। वास्तवय् 'ध्रुव' नाटकया कार्यकर्तातेसं थव  
श्रेय कायेत्यंगु ख। तर, नाटक क्यने मलावं हे थुकी व्वति  
कयाच्चंपि छ्वा निह्वा मुख्यपि प्याखंमोतेसं 'मुकुन्द इन्दिरा'य्  
व्वति कावंगुलिं व अभागीतेसं थव श्रेय कायेमखन। तर, व  
कार्यकर्तातेसं नाटक क्यना थुगु श्रेय कागु हे जूसांतवि न्हूगु  
पहयागु नाटक च्वया नाटकया न्हूगु परम्परा स्वनेगु श्रेय ला  
वर्तमान नेपालया स्योह्वा नाटककार बालकृष्ण समयात हे  
बीमा। छगू छं, ३० दँति न्हो गुरु पुरोहित भरतराज खजाध्वी  
थ हे परिवारयापि म्हाय्मचात व भौमचात तया  
'चैतन्यमुनि' धयागु पृथा प्याखं स्यंगु दु। नाटकय् फिप्यह्वा  
फिन्त्याह्वा मिसातेसं व्वति कागु जुयाच्चन। व नाटक भरतराजं  
दिल्लीबजारय् थगु हे छेँ स्यंगु ख। स्यंह व हे। उकी व्वति



कापि फुक्क मिसात जक । भरतराजया कलातं हे नं थुकी व्वति कागु दु धयागु न्यनेदु । थ्व नाटक थुकथं तस्सकं हे दुबिस्तागु जूसां श्री ५ त्रिभुवनं अन हे छे स्वया विज्याना नं हानं छक दरबारय् सता स्वया विज्यात । थुगु दृष्टि स्वत धासा भरतराजयात आधुनिक नाटकया क्षेत्रय् डम्बरशम्शेर धायेमा । द्वाय्धासां भरतराजं नाटक स्यंथे डम्बरशम्शेर थिएटर उलि हे दुबिस्ता याना थथाय् स्यंगु दु ।

‘मुकुन्द इन्दिरा’ लिपा ‘प्रह्लाद’, ‘सहनशीला सुशीला’, ‘लक्ष्मीपूजा’, ‘उ मरेकी छैन’, ‘अमरसिंह’, ‘अन्धवेग’ व ‘भीमसेनको न्याय’ नाटकं थ्व परम्परायात तपं तल । पूधा प्याखंया अभावं याना ला मस्यु, थौंकन्दे गुं पुही व थ्यंन्यापुहीबले सिबेत मेबले छधा प्याखं जक क्यंगु खनेदु । आपालं लिपा ‘म’ स्वयेदत । अनलि हानं यक्को लिपा ‘मुटुको व्यथा’ खनेदत । मेगु पूधा प्याखं स्वयेत हानं गुलि पीमालीगु थें मस्यु । नाटकयात प्रोत्साहन बीगु उद्देश्यं शान्ति रक्षा स्वयं सेवक संघ (केन्द्र) २०१७ सालय् नाटकया घेँघेँबल्ला नं याकूगु ख । थज्यागु नाटक स्यनेगु चलन नेपायागु हे चाय् बुयावगु मखु, बर्काछि तापागु पाश्चात्य देशं हिन्दूस्तानय् वया हिन्दूस्तानं तिनि नेपालय् वगु ख । थौंयागु युग थज्यागु हे नाटकया युग ख । तर, नवाकिपाया प्रभावं व मनोरञ्जन करया नीति याना नेपालय् नाटक व्वलने मफुनि । थुगु बारे साहित्यशास्त्री, धर्मशास्त्राचार्य, संस्कृत मनीषी

श्री बदरीनाथ भट्टराई धयातगु थ्व खं विचार यायेवह जूः—“थौंकन्देयागु शिल्पय् ला विदेशयागु नकल जक खनेदु । गनं यूरोपयागु धाँचा जूसा गनं अमेरिकायागु । विदेशयागु कला शिल्प स्वहे मस्वयेगु धयागु मखु । तर, वया ल्यूल्यू वना स्वदेशी ल्हाप लिकया व्वयेगु व न्हूगु प्रणाली पिकाये मफइगु नपुंसकता ख ।” ख ला थ्व खं शिल्प कला व वास्तु कलाया बारे धयातगु ख । तर, थगु हे विशेषता दुगु नाट्य कलाय् नं थ्व उक्ति सच्चिच्चवे सच्चिच्च चरितार्थ हे जू ।

संसार परिवर्तनशील । समय हिलाचवनी । अबलेथें आ मजुइ धुंकल । परिवर्तित संसारया प्रभावं नेपाया काया नं हिले धुंकल । राष्ट्रिय भावनां देश उन्नति व विकासया लैय् न्ह्यव्वावना च्वंगु दु । २०१६ साल फागुन ५ गते सिंहदरबारय् बिलायती बैठकय् सांस्कृतिक संस्थाया प्रतिनिधिते न्होने नोवाना अबलेयाहा शिक्षा मन्त्री धागु दुः—“मेमेगु देश जो जुइत भीत न्याक्क समय मालीतिनिसां संस्कृतिइ भीपि सुं स्वया क्वे मला ।” वर्तमान श्री ५ या सरकारं नं सांस्कृतिक पुनरुत्थान पाखे गाक्कं ध्यान बियाच्च्वंगु खनेदु । नाटकया उन्नति नं सांस्कृतिक उत्थान व उन्नतिया दुने लागुलि श्री ५ या सरकारं थुकी नं अवश्यनं ध्यान बी धयागु खैय् भ्या हे शंखा मरु । तर, प्राचीनतायात पाचिना थगु हे पह व थगु हे विशेषता मक्यंक थौंयागु वैज्ञानिक युगय् सांस्कृतिक क्षेत्रय् नं मेमेगु राष्ट्रया जोलाके फइ धायेगु वे खे हे जक जुइ । श्री ५ या सरकारं थ्व खं



बांलाक थू। सांस्कृतिक प्रदर्शनीइ स्वदेशी कलायात बीगु विशेष प्राह्यता थुकिया ज्वलन्त प्रमाण ख। श्री ५ या सरकारं प्राचीन नाटकयात हानं छक जीव दान बिया संसारया न्होने नेपाली नाटक ब्वया क्यनीतिनि धयागु आशा दु। श्री ५ या सरकार पुरातत्व संस्कृति विभागं धयातगु नं दु :—“ नेपाली संस्कृति यात प्रेम यायेगु, नेपाली संस्कृतियात ब्वलंकेगु देशया इज्जत व गौरव थकायेगु ख, संसारया न्होने थगु छथों धस्वाकेगु ख।” मेगु नं :—“ नेपाली संस्कृतिया आधारस्तम्भय नेपाली पह्यात कायम याना नेपायागु गौरवया पाठ मीसं मी सन्तानयात मबिल धासा उकिया जवाफदेही मीपि हे जुइमाली। इलं लाबले हे होश यायेकत धासा जक मीगु संस्कृतिया रक्षा व प्रगति जुइ।” २०१८ साल कार्तिक ८ गते राष्ट्रिय नाचघर उद्घाटन याना बियाबिज्यागु भाषणय श्री ५ महाराजाधिराजं नं हुकुम जूगु दु :—“ आयात मीगु दकले तथंगु समस्या देशय आर्थिक उन्नति यायेगु व सकसितं मेमेगु सभ्यगु देशया जनतां उपभोग यानाच्चंगु जीवनयात मागु बैज्ञानिक सुविधा दयेकेगु ख। तर, थुलि जक मीगु धातथंगु विकास जुइ मखु। मीसं मेमेगु उन्नतिया नापनापं थगु भावनायात विकास यायेगु नं उत्तिकं हे आवश्यक जू। अलेतिनि मीगु विकास पूवनी। थ्वया निति मेमेगु नापनापं मीगु संस्कृति व राष्ट्रियताय दनाच्चंगु नृत्य, संगीत व मेगु कलात्मक प्रदर्शनयात नं मीसं प्रोत्साहन बीमागु दु।” अर्कि सरकार व जनता

निखलसिनं नं मी जुजुयागु थ्व विचारया ल्यूल्यु पला छिना वनी धयागु आशा दु। श्री ५ बडामहाराजाधिराज पृथ्वी नारायण शाहयागु दिव्य सन्देशय नं विदेशी नाचगानयात हाकुतिना स्वदेशी नाचगानयात ब्वलंकेमा धयातगु दु।

इन्द्रसभा सम्बन्धी खेँ च्वयेत नन्दलालं स्यंगु इन्द्रसभाय इन्द्र जूझ दाजु धर्मरत्न व इन्द्रसभाया प्याखं व नन्दलालया रामायनी तकोमछि स्वया दीह्य श्रद्धेय मां लक्ष्मीनानीं आपालं ग्वाहालि यानादीगु दु। रामायनी म्ये हे नं मामं हाला न्यंका द्यगु जिं ल्हयाकयागु ख। स्वर्गवासी नन्दलालया कायभाजु जगतलालं व स्वर्गवासी मणिकमानया कायभाजु डम्बरमानं नं थुगु विषये माक्को खेँ कनादीगु दु।

नेपाली भाय्यागु चिन्तांमुनिगा म्ये नं मामं हे हाला न्यंका-दीगु ख।

✽✽✽



## प्याखंमोत

१. वसुभूति गन्धर्वराज
२. चन्द्रप्रभा—वसुभूतिया कला
३. रत्नावलि— " म्हाय्
४. रतिकला—चन्द्रप्रभाया सखी
५. गुणभूति— " "
६. चित्रलेखा—रत्नावलिया सखी
७. अनंगलेखा— " "
८. गन्धर्व शुभाकर द्वारपर
१. कीर्तिवर्मा जुजु
२. कामलता—कीर्तिवर्माया कला
३. रत्नमंजरी— " म्हाय्
४. ज्ञानकला—रत्नमंजरीया सखी
५. धीरबुद्धि मंत्री
६. कामदत्त कोतवार

१. मदनसुन्दर जुजु
२. मानकला—मदनसुन्दरया कला
३. मोहकला—मानकलाया सखी
४. ज्ञानसिद्ध मंत्री
५. वेगराज कोतवार

१. रत्नचूड नागराज
२. मणिभद्र
३. गणभद्र

१. सुबाहु दैत्य
२. भीमकर्मा राक्षस
३. घोरकर्मा राक्षस

महाद्यो, पार्वती, सरस्वती, नारद, हिमालय, मेना, शिवभक्त, शुद्धचित्त, ज्ञानकर, हलुवा कलुवा खुँ, घमण्डसि महां, जिओसि कामसि नाय्, मानदेओ ज्ञानदेओ रामदेओ भायदेओ संज सिपाइ, भीमनाद राक्षस, विकटमुखी राक्षसी, कुम्भोदर स्फूलोदर, जया विजया, जोतिक, दिदि, ख्या, कवं, भलया व मेमेपिं ।



१. अथ अथर्ववेदः १

२. अथ अथर्ववेदः २

३. अथ अथर्ववेदः ३

४. अथ अथर्ववेदः ४

५. अथ अथर्ववेदः ५

६. अथ अथर्ववेदः ६

७. अथ अथर्ववेदः ७

८. अथ अथर्ववेदः ८

९. अथ अथर्ववेदः ९

१०. अथ अथर्ववेदः १०

११. अथ अथर्ववेदः ११

१२. अथ अथर्ववेदः १२

१३. अथ अथर्ववेदः १३

१४. अथ अथर्ववेदः १४

१५. अथ अथर्ववेदः १५

अथर्ववेदः १६. अथ अथर्ववेदः १६

अथर्ववेदः १७. अथ अथर्ववेदः १७

अथर्ववेदः १८. अथ अथर्ववेदः १८

अथर्ववेदः १९. अथ अथर्ववेदः १९

अथर्ववेदः २०. अथ अथर्ववेदः २०

अथर्ववेदः २१. अथ अथर्ववेदः २१

अथर्ववेदः २२. अथ अथर्ववेदः २२

अथर्ववेदः २३. अथ अथर्ववेदः २३

अथर्ववेदः २४. अथ अथर्ववेदः २४

श्री रत्नेश्वर प्रादुर्भावि

रत्नेश्वर प्रादुर्भावि



## श्री नृत्यनाथाय नमः ।३।

( थन नाग्दि स्लोक )

अमृत कर कलानं स्वर्नदीया तरंगं  
सिरस अतिन शोभा ग्वह्या भूत संगं ॥  
गओरि अरध देहं याक तीसा भुजंगं  
ओम्हया चरण सेवा याय जि भक्ति रंगं ॥

( थन नाग्दि )

॥ मे ॥ राग मालओ ॥

- ( ज ) जय जय नटपति
- ( पं ) निरगति ह्या गति
- ( ए ) जगतस मंगल
- ( अ ) यात दको रसया भार
- ( ख ) शिर सुशोभित गंग तरंग चन्द्रया खण्ड
- ( प ) गओरि बद्धि ह्यस :
- ( ङ ) संसारस मजुओ ग्वह्य वस ओह्य जुल जगतया सार
- ( ख ) राज राजन भगति तस्य थम जयप्रकाशन हाक



વિઘન નાશન યાઓ મારન ભક્ત રહલપે માલ  
જય જય નાથ મહેશ

- ( જ ) વૃષભયા હાસ ગલ  
( ઇ ) પ્યાસન રસન હુલ  
( પં ) પ્રમથયા સંગન  
( અ ) મોલ માલ ભિહ વાન  
( સ્વ ) ભસમ લેપિત અંગ તિસા ભિહ ભુજંગ  
( પ ) ઓસત મદુ હાસ  
( લ ) ઓસયા સાજ ભિહ ધુછેગુલિ રૂપ અસમાન

( યન સૂત્ર પ્રવેશ )

॥ મે ॥ રાગ નાટ ॥ એ ॥

પ્રથમસ સરસન જુલ પરવેશ ।

અરધ નારીશ્વર નટનયા હેસ ॥

કુતકુ વિઘન ભય અતિ ભિહ વેશ ।

શિરસ દેવયા સુસિ તસ્ય ભગણેશ ॥

સૂત્ર જુસે દકો થાન કાયાઓ મહેશ ।

રસ દકો પરગત યાહાઓ વિશેષ ॥

ધુછેગુલિ જલિ હસા જોના ભુજગેશ ।

લહાકહા ભગત જયપ્રકાશ નરેશ ॥

( યન પુષ્પાંજલિ શ્લોક )

( યન નટી શ્રોત્રો )

॥ તિપ ॥

( યન દેશ વર્ણના )

॥ મે ॥ રાગ કાફિ ॥ પ્ર ॥

નગર લક્ષણ કાન્તિપુર ભિહ ।

પુરન્દરપુર ગન જુહો થથિહ ॥

તલેજુ વિજ્યાક થન કુમારી સહીત ।

પશુપતિ ગુહ્યશ્વરી જગતયા હીત ॥

ધરમસ રસ જુઓ જન ગુણ થૂલ ।

મહાનદિ નિલે દૂન પુણ્ય ભૂયા મૂલ ॥

અધિપતિ જયપરકાશ સુધીર ।

કવિયા વચન ભિહ ધરમ સુધીર ॥

॥ મે પુ ૩ ॥

( યન રાજ વર્ણના )

॥ મે ॥ રાગ સોરથ ॥ ચો ॥

રવિકુલ કમલયા યાક વિકાશ ।

રાજ વર સુન્દર જયપરકાશ વિષ્ણુ સમાન ॥ ધુ ॥

કુલ દેવી ભજનસ મન થિર યાક ।

નીતિ નિપુન જુઓ ગુનિહાઓ જાક ॥



पृथिविस जुओ ओस इन्द्र समान ।  
अरजुन शतुलया तुर याक दान ॥  
परजन लहिकन यात गुलि मान ।  
कविन सियाओ लहाल थुल सत ज्ञान ॥

॥ मे पु ४ ॥

( थन सूत्र नटी न्याक )

॥ मे ॥ राग नाट ॥ प ॥

मनस मरस यासे ओझाओ सभास ।  
रिभय यातके नुयो जय परकाश ॥  
रत्नेश्वर उदभव प्याखन प्रकाश ।  
याओ थमन प्रिय जश लाय आश ॥

॥ मे पु ५ ॥

॥ लु १ ॥

( थन महादेव पार्वति जया विजया कुभोदर स्फुरोदरया प्रवेश )

॥ मे ॥ राग वलालि ॥ चो ॥

ईश्वर भुवनस जुल परवेश  
नटनया लेंस थनि शिव भिड बेश ॥  
परिजन सहितन सरस जुयाओ  
जयप्रकाशन लहाल रसिक खडाओ ॥

( थन विश्राम )

( थन महादेवया महिमा श्लोक )

( थन महादेव पनि कैलाश भुवन ओ )

॥ मे ॥ राग आसावलि ॥ लं ॥

मनस रसन दन प्रिय नुयो थओ गण  
मुनकसे सोय नट रंग ॥  
गिरिवर भुवनस जुस्ये चोने गुण वस  
दयंकसे रसया तरंग ॥  
दयालद्धिमिया धनि रसिक जनया मणि  
जय परकाशन लहाय ॥  
भगतिस रट जन लखलपे थम अन  
सुर रिपु विनासन याय ॥

॥ लु २ ॥

( थन पर्वत तय )

( थन महादेव पनि ओओ )

॥ हथु मे ॥ राग आसावलि ॥ लं ॥

मनस रसन दन प्रिय नुयो ॥

( थन भूत निह दथुनं ओओ )

॥ तिप ॥



( थन प्रमथगण पनिसेन प्याखन हुओ )

॥ मे ॥ राग गौरि ॥ चो ॥

आओ सोहुने नट भाव सार रे ॥ धु ॥

प्रभु छिन जगत पति भगत जनया गति  
याओ छिन जिपनि उधार ॥

रसिक जनया गति दयालछिमिया पति  
नृपतिस याओ भव पार ॥

( थन प्रमथगण पनि भक्त उद्धार यायत ओ )

॥ तिप ॥

( थन महादेव पनि काशी क्षेत्र ओ )

॥ मे ॥ राग मारुवा ॥ प्र ॥

प्रिय नुयो ओने छन रस मन याओ ॥ धु ॥

गुण गुलि गण दत्त तिरथया मूल खत  
वरणा असिओ नापलाक ॥

जुल मन सोय रट प्ररयस थिर खत  
अन चोने भिड गुण लाक ॥

नेपालया अधिपति दयालछिमिया पति  
जयपरकाशन लहाक ॥

कनक रतनमय कुतकल पाप भय  
पेगुलि पदारथ लाक ॥

( थन पर्वत लिकाय )

॥ लु ३ ॥

( थन देवल नदी तय । थन हिमालय मेना शुद्धभाव  
शुद्धकर्म्म भल्या निहा रत्न कुबुयाओ ओओ )

॥ मे ॥ राग श्री ॥ चो ॥

प्रिय नुयो थनि ओने मिजिस मुडाओ ॥ धु ॥

गन दत्त सुर नदि तिरथया राज  
अन शिव भजलपे साध याय काज ॥

दया लछिमिया प्रभु नृपतिन लहाक  
ओस दरसन यासे पदारथ लाक ॥

॥ मे पु १० ॥

( थन मणिकर्णिकास हिमालयन स्नान याक )

॥ तिप ॥

( थन भल्या पनिसेन दको सकलें दोचिडाओ तओ )

( थन भल्या पनि निहं छुले छुले चोड )

( थन हिमालय मेना निहासेन भजना याक )

॥ मे ॥ राग मारुधनाश्री ॥ प्र ॥

शिवया पारि पले जिन भजलपे यासे मानस थीर ॥ धु ॥



काम आदिन जयलपे आओ  
चिसे जिह्वा रिपु वीर ॥

भव भय मदयके सुख थन लाय  
वहाकहा भूपति वीर ॥

( थन हिमालय मेना निहासेन ध्यान याहाओ चोन )

( थन प्रमथगण दको ओओ )

॥ तिप ॥

( थन भूत पनिसेन ख्याय भाओ )

( थन ख्याल मालको )

( थन कुम्भोदरादि प्रमथगण जुओ दथुन )

( थन महादेव प्रत्यक्ष जुओ दथुन )

( थन हिमालय मेना निहासिन महादेव पूजा याक )

॥ तिप ॥

( थन महादेव अन्तर्धान जुओ )

॥ तिप ॥

( थन हिमालय पनि थओ देश ओ )

॥ मे ॥ राग कोलाक ॥ चो ॥

शिव परसन जुसे विर वरदान

॥ ८ ॥ प्रिय नुयो नगरस दयिओखे मान ॥

जयपरकाश नृप इन्द्र समान  
जुल शिव भजनन दत भिन ज्ञान ॥

॥ मे पु १२ ॥

॥ लु ४ ॥

इति श्री नेपालेश्वर महाराजाधिराज श्री श्री जय जय  
प्रकाश मल्ल देव विरचित श्री ३ रत्नेश्वर प्रादुर्भाव नाम नाटक  
प्रथमोद्धे ।





## ॥ अथ द्वितीय दिवसे ॥

( थन नान्दि )

॥ मे ॥ राग भैरव ॥ झ, प्र, अ ॥

जय जय ईश्वर जय गौरिनाथ ॥ १ ॥  
भूतसंग यासे नटन याक नित्य गोह्वनं  
नव रस संजुत अतिन शोभनं ॥  
दुरित भंजन भगत रंजन  
दैत्य गण मद नाशनं ॥  
सार काज भाव सिरस रंग याक ओह्वनं  
भुवन सुन्दर जगत कारणं ॥  
ओह्वस भावन सुखया साधन  
लहाक नरपति राजनं ॥

( थन वसुभूति गन्धर्भराज चन्द्रप्रभा रतिकला  
गुणभूति गन्धर्भ शुभाकर द्वारपालया प्रवेश )

॥ मे ॥ राग जयजमन्ति ॥ चो ॥

वसुभूति नाम जुल गन्धर्व राज  
परवेश रंगभूस यासे भिङ्ग साज ॥

लहाकहा सुमति जयपरकाश राज  
सरस जुयक याक थओ कुल काज ॥

॥ मे पु १३ ॥

( विश्राम )

( थन गन्धर्भ राजा पनि गन्धर्भ लोक श्रौ )

॥ मे ॥ राग सोरथ ॥ ख ॥

चोने नुयो देशया शोभा सोयाओ ॥ धु ॥  
मानन मन तय हितह्वस जिन आओ  
थास वेल गुण सियाओ ॥  
जयपरकाशन रस गुण लहाकाओ  
नीति कारज भिनकाओ ॥

॥ लु १ ॥

( थन नदी सिमा देवल तय )

( थन शिवभक्त शुद्धचित्त ज्ञानकर पनि शिला चा चोड श्रोओ )

॥ मे ॥ राग मारुवा ॥ ख, प्र ॥

जुयुओ दको पाप खण्डन  
मनस रसन थकाओ ॥ धु ॥  
शिव पूजा थनि याय सरसन  
नुयो फिजिस ओकाओ ॥



મરિ વેલ સાચલ ઘ્યાલપાત ફલફુલ  
છાસે તય માઓ તયાઓ ॥  
મિહ ફલ લાય તન મન ચોને  
અન જાગરના યાહાઓ ॥  
નૃપતિ જયપરકાશન લ્હાક સિય  
શિવરાત્રિ યજ્ઞ ઉતિ તાઓ ॥

॥ મે પુ ૧૫ ॥

( યન શિવમક્ત પનિસેન સ્નાન યાક )

॥ તિપ ॥

( યન મહાદેવ પૂજા યાક )

॥ તિપ ॥

( યન શિવ શિવ ધક દેવયા નામ કાયાઓ ચોહ )

॥ મે ॥ રાગ વરારિ ॥

શિવ શરણ મજન યાય પાલિ પલે માવનં ॥ ધુ ॥  
અક્ત જનયા પાપ હરન દૈત્ય નાશ યાક થમનં  
ઓહા મજન યાય રસન થાસ થાસ માનનં ॥  
બ્રહ્મ આદિ દેઓ ગણન ધ્યાન યાસે ચોહ મનન  
લ્હાક જયપ્રકાશમલ દેવ રાજ રાજનં ॥

॥ મે પુ ૧૬ ॥

( યન કલુવા હલુવા હુ નિહા ઓઓ )

॥ મે ॥ રાગ ગૌદામાલઓ ॥ ચો ॥

હરુવા આઓ ઓને રસ યાય

( યનિ જિન ધલ દહ પનિ લાય ॥ ॥ ધુ ॥

દેવયાકે છાસે તયાગુલિ હુસે કાઓ

સુખન ફુથહ નય સ્વય થઓ દાઓ ॥

નેન્દુ દત ઘાન લાક નસા મદયાઓ

મનસે મજિઓ ચોને નૃપતિન લ્હાઓ ॥

॥ મે પુ ૧૭ ॥

( યન હુપનિસ શરિરન પિહાં ઓઓ માવ )

( યન પાપ પનિ દયુનં ઓઓ )

( યન પાપ નિહાં છલે ચોહ )

( યન કલુવા હલુવા હુ દં. હાહા ઓ )

( યન દેવલસ દુહાયાઓ શિવલિજ્ઞસ કપાલન યિયાઓ વિમુસિન

કિતકાઓ નૈવેદ્ય દકો હુયાવો પિહા ઓયાઓ નય

યાત ચોહ પાપ પનિસેન લ્હા )

( યન હુપનિસેન નૈવેદ્ય નય માઓ )

( યન પાપ પુરુષ અન્તર્ધાન હુઓ )

॥ શાક ॥

( યન હુ નિમ્હેસેન શિવ શિવ ધક દેવયા નામ કયાઓ દેવલ

હુયાઓ હુઓ )



( થન હું નિહાં શિવ શિવ ધક દેઓયા નામ કાયાઓ ગોલ  
તુલાઓ સિક દિવ્ય રૂપ જુઓ )

( થન કુમ્ભોદર સ્ફૂલોદર પ્રમથગણ નિહાં દથુનં ઓઓ )

॥ તિપ ॥

( થન પ્રમથગણન ઉદાર જુઓ પનિ વિમાનસ તયાઓ એહ ભાઓ ઓ )

॥ તિપ ॥

( થન ધલં દહ પનિ દહાઓ સોક )

( થન આકાશ વાણી જુઓ )

( થન શિવમત્ત પનિ અંદોલન થઓ છે ઓ )

॥ મે ॥ રાગ પ્રથમંજલિ ॥ રૂ ॥

શિવ સચરિત રૂઢા અતમુત આઓ

મિજિસ જનમ ઓન ધરમ યાહાઓ ॥

અધમ હુ ઘાતન મિહ ગતિ લાક

સિય મફુ ધરમ ગતિ નૃપતિન લહાક ॥

॥ મે પુ ૧૮ ॥

( થન દેવલ નદિ લિકાય )

॥ લુ ૨ ॥

( થન વસુભૂતિ ગન્ધ પનિ ઓઓ )

॥ હથુ મે ॥ રાગ સોરથ ॥ રૂ ॥

ચોને નુયો દેશયા.....

( થન ગુણભૂતિ સહી પનિ સ્વાન કાલ ઓ )

॥ તિપ ॥

( થન વસુભૂતિ શૃંગાર )

॥ મે ॥ રાગ કેદારા ॥ ચો ॥

હેહ છન જિ વચન સુન્દરી આઓ ॥ ધુ ॥

મન જિ વિકલ અતિ જુલ સ્વસે છન રૂવાલ

રસ તય ભાઓન માલ ॥

રતિ રસ વિસે ભતિ પ્રમુ થઓ બસ યાય

જય પરકાશન લહાય ॥

( થન ચન્દ્રપ્રભોતિ શૃંગાર )

॥ મે ॥ રાગ લલિત ॥ પ્ર ॥

વિનતિ વચન રે હેહ છિન પ્રમુ રે

ગુણ જિ મસયા આઓ રે ॥

સ્વઓ અસયાનિ રસિક મજુયા રસયા રિતિ

મદુ ॥ થિતિ ॥ મદયા જિ થન ॥

સુન્દરી મજુયા રે ભાઓ જિ મસયા રે

મનન ॥ મફયા છાય રે ॥



अति हठ यायमते छिन रसया ख सया मखु  
मन तसे लहाक भूपन ॥

( थन गुणभूति सखी पनि ओओ )

॥ तिप ॥

( थन वसुभूति गन्धर्व पनि स्थानान्तर ओओ )

॥ मे ॥ राग धनाश्री ॥ प्र ॥

रस मन जुल ओने मेव थास याय काज  
चोने नुयो अन याडाओ विलाश ॥  
दयालछिमिया प्रभुम्हन लहाल नीति गुण  
रसिक जन बश याय माल ॥

॥ मे पु २१ ॥

॥ लु ३ ॥

( थन रत्नचूड नागराजा मण्णिभद्र गणभद्रया प्रवेश )

॥ मे ॥ राग मालुवा ॥ चो ॥

रसन मनस थन जुल परवेश  
फणिया रतन पनि मणिमय वेश ॥  
काम उति रसिकन मदु ध्व समान  
नृपतिन लहाल गुण जुर परमान ॥

( रत्नचूड पनि थओ राज्य ओओ )

॥ मे ॥ राग आसावलि ॥ प्र ॥

फणि गण पनि भिजि रसन दडाओ ॥ ॥ धु ॥

मणिमय भवन ओडाओ चोने नु अन  
थओ जन दको मुनकाओ ॥

शिव पद भगत जुयाओ लायिओ सुख  
नृपतिन लहाल जस काओ ॥

॥ लु ४ ॥

( थन वसुभूति गन्धर्व पनि स्थानान्तर ओओ )

॥ हथु मे ॥ राग धनाश्री ॥ प्र ॥

रस मन जुल ओने मेव थास...

( थन द्वारपारन पुरोहित बोन ओओ )

॥ छतिप ॥

( थन द्वारपारन पुरोहित बोडाओ हओ )

॥ तिप ॥

( थन दिदि रानीया थास दुहा ओओ )

( थन जोतिकिन छले लगन विचार याड चोड )

( थन गावलया दुने दिदिन मालको भाओ याक )

( थन मचा बुओ )



॥ मे ॥ राग मंगर ॥ चो ॥

गरभस जुल अति वेदन आओ

ए जनम जुल ज्ञानी

ग्रह पनि चोन भिड थास सोयाओ ॥

गन्धरव नृपतिस कन्या भिड रूप

ए जुयुओ गुण मानी

लहाकम्ह थव नृपवर देव सरूप ॥

( थन जोतिकिन जातक चो )

( थन दिदिन जोसि गलय पिडाओ छोक )

( थन जोसि दिदि निम्ह श्रृंगार भाव ओओ )

॥ मे ॥ राग श्री ॥ चो ॥

हेको छन जिथिचा अति भिड दिदिचा

घस पुओ रस तासे आओ चुपा नओ भतिचा ॥

जिके मन तिओ मतेडा स्वओ जि

न्हिलाओ नृपतिन लहाक असतीचा ॥

( थन मुनीस्वर पनि थओ आश्रम ओओ )

॥ तिप ॥

( थन चित्रलेखा अन्नगलेखा निम्ह ओओ )

॥ तिप ॥

( थन रत्नावलि पनि समाल यात ओओ )

॥ मे ॥ राग विभास ॥ ग ॥

सखि पनि नुयो ओने म्मिजिस मुडाओ

विलाशया भवनस रस मन याओ ॥

दयालछिमिया पति भुपतिन लहाल

तिरिया समाल याय गुपतन माल ॥

( थन गन्धर्व राजा पनि स्थानान्तर ओओ )

॥ तिप ॥

॥ लु ५ ॥

( थन रत्नावलि ओओ )

॥ हथु मे ॥ राग विभास ॥ ग ॥

सखि पनि नुयो ओने म्मिजिस मुडाओ

( थन रत्नावलिसेन समाल याक )

॥ मे ॥ राग वसन्त ॥ प्र ॥

नुयो सखी रसिकन समालनि याय सोओ ॥ ॥ धु ॥

नसाक चिकनन बुयाओ कोलन अजुगुति रुवालस भिड

लस तासे मिखा वोओ थिथि त्वासे न्हिला सोओ ॥



चोने नुयो रसन दहान सोओ ॥

छुसे तया त्वाक स्वान सपोलस भिङ्ग वान भुवनस मदु जि समान

दयालद्धिमिया धनि भुप दकोस मणि

नृपतिन लहाकम्ह सुज्ञान सोओ ॥

( थन रत्नावलि पनि थओ छेस ओं )

॥ मे ॥ राग वलालि ॥ लं ॥

रसिक मिखान सोसे थिथि रस तसे भाओ

जलि वसतन तसे थनि सपोलस भिङ्ग स्वानन छुडाओ ॥

दयालद्धिमिया धनि जयप्रकाशया वाणि

गुण दको सयकसे चोने भिनकिओ थमन थमन बाणि ॥

॥ लु ६ ॥

इतिश्री नेपालेश्वर महाराजाधिराज श्रीश्री जय जय  
प्रकाशमल्ल देव विरचिते श्री ३ रत्नेश्वर प्रादुर्भाव नाम  
नाटके द्वितीयोद्धे ।



॥ हु ॥ ॥  
॥ ॥ ॥  
॥ ॥ ॥

॥ अथ तृतीय दिवसे ॥

( थन नान्दि )

॥ मे ॥ राग राजविजय ॥

( लं ) जय जय नृत्यनाथ महेश्वर ॥ धु ॥

( लं ) विभुतिन म्हास बुओ प्याखन हुयाओ

( प्र ) नन्दि भृन्दि निम्ह दयकाओ

( ख ) पालिपले भजलपे भगत मुडाओ

( लं ) नवरस दको थम गुण पिकायाओ

( प्र ) सेवकया दुख फुतकाओ

( ख ) नृप जयपरकाश देवन लहाडाओ

( थन सुवाहू दैत्य भीमकर्मा शोरकर्मा राक्षसया प्रवेश )

॥ मे ॥ राग कौसिक ॥ ख ॥

हरषन जुल थनि दयितया राज

परवेश परिजन नाप भिङ्ग साज ॥

नृप जयप्रकाशन रस तसे लहाक



સુવાહૂ નાપ દહ અતિ વલલાક ॥

( થન સુવાહૂ દૈત્ય પનિ થઓ રાજ્ય ઓ )

॥ મે ॥ રાગ પહરિયા ॥ પ્ર ॥

તપોવન ઓને નુયો હરષ યાહાઓ  
શિવ પદ ભજનન મિહ વેલ લાઓ ॥  
ત્રિભુવન જયલપે મનસ જિ આસ  
નપતિન લહાલ દકો જુયુઓલે દાસ ॥

॥ લુ ૧ ॥

( થન વસુભૂતિ પનિ સ્થાનાન્તરસ ઓઓ )

॥ હથુ મે ॥ રાગ ધનાશ્રી ॥ પ્ર ॥

રસ મન જુલ ઓને મેવ થાસ.....

( થન રત્નાવલિ પનિ ઓઓ )

॥ હથુ મે ॥ રાગ વલાલિ ॥ લં ॥

રસિક મિલ્ખાન સોસે થિથિ રસ તસે આઓ.....

( થન રત્નાવલિ પનિ સરસ્વતીયા આરાધના યાત ઓ )

॥ તિપ ॥

( થન વસુભૂતિ પનિ સમા સ્થાન ઓ )

॥ મે ॥ રાગ વેરાઓર ॥ પ્ર ॥

હે પ્રિયે ઓનેનુ યાઓ વિલાશ ॥ ધુ ॥

મનસ રસન થહાઓ કારજ

મિજિસ છેસ ઓહાઓ ॥

કુરયા ધરમ યાય સોય નુયો

અન મનોરથ લાઓ ॥

થમન મનન હિયાઓ લોકસ

લોયક યાય વિચાલ ॥

દયાલહિમિયા નાથ મહિપતિ

જય પ્રકાશન લહાલ ॥

॥ લુ ૨ ॥

( થન સિમા સરસ્વતી નદિ તય )

( થન રત્નાવલિ પનિ ઓઓ )

॥ મે ॥ રાગ નાટ ॥ લં ॥

સલ્ખિ નુયો અન ઓને રસન દહાઓ

થિથિ સ્વસે નિહલ સ્વનિ રસિકન લહાઓ ॥

રતિ રસ યાસે ગુણ પરગત યાઓ

નૃપતિયા વચનન મનોરથ લાઓ ॥

( થન રત્નાવલિ પનિસેન સ્નાન યાક )



॥ તિપ ॥

( થન રત્નાવલિ પનિસેન સરસ્વતી પૂજા આરાધના યાક )

॥ મે ॥ રાગ કેદારા ॥ રૂ ॥

સહી હે જિ જુય ગુણન વિલાશી ॥ ॥ ધ્રુ ॥

સરસ્વતી ભજલપે ઓને નુયો આઓ

ઓસયાકે દકો ગુણ લાયે ફોહાઓ ॥

ગુણિ મણિ જયપરકાશન લહાય

ભગતિ મનસ તય તન મન યાય ॥

( થન રત્નાવલિ પનિસેન ધ્યાન યાહાઓ ચોન )

( થન ભૂત કચ્છોડ પનિ ઓઓ દયુન )

( થન સરસ્વતી દેવી પ્રત્યક્ષ જુઓ )

॥ મે ॥ રાગ કન્હ ॥ ચો ॥

સરસ્વતી પરવેશ જુલ રસ જાઓ

ભગત ઉધારન યાય યાત સ્વયાઓ ॥

દયાલહિમિયા ધનિ જય પરકાશ

નૃપતિસ મન રસ જુયુઓ વિલાશ ॥

( થન સરસ્વતી દેવી પૂજા યાક )

॥ તિપ ॥

( થન સરસ્વતી દેવી અન્તર્ધાન જુઓ )

॥ ચર્ચા મે ॥ રાગ વલાલિ ॥ રૂ ॥

થનિ જિન યાહા થમ ભગત ઉધાર

થઓ થાસ ઓને ચોસે ચોને રસ સાર ॥

નૃપતિ રતન પ્રતાપયા સિંહ માન

અનન જિન દયકે રસ પરમાન ॥

( થન રત્નાવલિ ઉપવન ઓ )

॥ મે ॥ રાગ મારુવા ॥ ગ ॥

ઉપવન ઓને સહિ અન યાય રસન ચિલાશ

ભાવન મિહા હાં લહાહાઓ મનસ અતિન ઉદાસ ॥

દયાલહિમિયા ધનિ નૃપરાજ જય પરકાશ

લહાકમ્હ રસિક જુયાઓ વિરસ મતેઓ રસયા થાસ ॥

( થન સિમા દેવલ નદિ લિકાય )

॥ લુ ૩ ॥

( થન સિમા સ્વાનમા તય )

( થન રત્નાવલિ પનિ ઉપવન ઓઓ )

॥ હથુ મે ॥ રાગ મારુવા ॥ ગ ॥

ઉપવન ઓને સહિ અન યાય.....

( થન રત્નાવલિ પનિસ વન વિહાર યાક )



॥ मे ॥ राग वसन्त ॥ प्र ॥

वन विहार याय र सखि

रंग रस याओ रसिक तथाओ ॥ ॥ ध्रु ॥

बेलि चंबेली स्वान होयाओ

भवलन डुतुडुसे जुल सोयाओ ॥

कोकिल रसन हाल वसन्त जुयाओ

जय परकाशन लहाक सियाओ ॥

रस वस याय सोओ भिजिस मुडाओ

स्वान धवयाओ थिथि कयकि न्हिलाओ ॥

( थन रत्नावलि पनि महादेवया भजन यात ओ )

॥ तिप ॥

( थन सिमा स्वानमा लिकाय )

॥ लु ४ ॥

( थन सिमा गुहा तय )

( थन भीमनाद राक्षस विकटमुखी राक्षसी निम्ह ओओ )

॥ मे ॥ राग कन्हारा ॥ प्र ॥

घोरमुखी मन रस नुयो भिजि बास हे ए हे

अन चोने नर पनि स्वसे नय आश हे ए हे ॥

बीर जयप्रकाशन भिड खे लहाक हे ए हे  
निम्हसिया ख्वाल स्वसे नल सु मग्याक हे ए हे ॥

( थन भीमनाद राक्षस नसा माल ओ )

॥ मे ॥ राग बिभास ॥ प ॥

स्वय जिन आहालनि वनस ओडाओ

रस यासे चोने अन मनुछे नयाओ ॥

जय परकाश नृप लहाक सियायो

गुस जुओ मदयके तरास बियायो ॥

( थन विकटमुखी राक्षसी पनि क्षपं चो )

( थन सिमा गुहा लिकाय )

॥ लु ५ ॥

( थन रत्नेश्वर महादेव उत्तरवाहिनी गंगा तय )

( थन रत्नावलि पनि महादेव भजन यात ओओ )

( थन रत्नावलि पनिसेन गंगास स्नान याक )

॥ तिप ॥

( थन रत्नावलि पनिसेन रत्नेश्वर पूजा याक )

( थन रत्नावलि पनिसेन कीर्त्तन याक )

॥ तिप ॥

( थन रत्नावलि पनि ध्यान याडाओ चो )



( थन महादेव पार्वती निहा प्रत्यक्ष जुओ द्युन )

( थन रत्नावलि पनिसेन पूजा याक )

॥ हथु मे ॥ राग मारुधनाश्री ॥ प्र ॥

शिवया पालिपले जिन भजलपे.....

( थन महादेव पार्वती अन्तर्धान जुओ द्युन )

( थन रत्नावलि पनि थओ छे ओ )

॥ मे ॥ राग बलारि ॥ चो ॥

ए शंकर परशान जुल दत मान ॥ ॥ धु ॥

गमन रसन सखि याओ

जनम सफल जुल आओ ॥

नृप जय प्रकाशन लहाय

भगति गुणन सुख लाय ॥

( थन महादेव नदी लिकाय )

॥ लु ६ ॥

इतिश्री नेपालेश्वर महाराजाधिराज श्री श्री जय जय  
प्रकाशमल्ल देव विरचिते श्री ३ रत्नेश्वर प्रादुर्भाव नाम नाटक  
तृतीयोद्धे ।

॥ अथ चतुर्थ दिवसे ॥

( थन नान्दि )

॥ मे ॥ राग भैरव ॥ झ.प्र.अ ॥

जय जय ईश्वर जय गौरी नाथ ॥ ॥ धु ॥

भूतसंग यासे नटन याक नित्य गोह्वनं

नव रस संजुत अतिन शोभनं ॥

दुरित भंजन भगत रंजन

दैत्य गण मद नाशनं ॥

सार काज भाव सिरस रंग याक ओह्वनं

भुवन सुन्दर जगत कारनं ॥

ओम्हस भावन सुखया साधन

लहाक नरपति राजनं ॥

( थन कीर्तिवर्मा राजाया कामलता रानी रत्नमंजरी रानीचा धीर

बुद्धि मंत्री शानकला सखी कामदत्त कोटवारया प्रवेश )



॥ मे ॥ राग सारंग ॥ चो ॥

जुओ अति सुन्दर ॥ धु ॥  
परवेश जुल थन थओ जन सहितन  
किरति बरमा नाम राज  
छल बल कल थुल सुरपति सम तुल  
धरमस रत भिड साज ॥  
रसिक जनया मणि दयालझिमिया धनि  
जय परकाशन लहाल  
धवया परताप खसे रिपु गण जुल बिसे  
न्हिथड तरास हसे हाल ॥

( थन रत्नमंजरी सखी शानकला उपवन ओ )

॥ मे ॥ राग मारुवा ॥ लं ॥

हरख मनस तसे रसन दडाओ  
शिव पद भजलपे भगति तयाओ ॥  
दयालझिमिया धनि जय परकाश  
नृपतिन लहाल मटु भवया तरास ॥

( थन कीर्तिबर्मा राजा पनि थओ देश ओ )

॥ मे ॥ राग जयजमन्ति ॥ चो ॥

सुन्दरी नुयो थओ नगर ओने ॥ ॥ धु ॥

नीति स्वसे पुरजन लखलपे माल  
करम भिनक याय तरास मुमाल ॥  
नृपवर जय परकाशन लहाल  
कुलया धरम थओ थम हुने माल ॥

॥ लु १ ॥

( थन वसुभूति पनि सभा स्थान ओओ )

॥ हथु मे ॥ राग वैरावर ॥ प्र ॥

हे प्रिये ओनेनु याओ विलाश...

( थन रत्नाबलि पनि ओओ )

॥ तिप ॥

( थन रत्नावलि पनि अन्तःपुर ओ )

॥ मे ॥ प्रथमंजलि ॥ चो ॥

जगतया जननिस वचन प्रमाण  
मजुय मटु रस जुयिओ निदान ॥  
सखि पनि अन्तपुर ओनेनु ननान  
नृपतिन लहाल तप फल असमान ॥

( थन वसुभूति गन्धर्व पनि परिचपन चो )



॥ લુ ૨ ॥

( થન રત્નાવલિ પનિ અન્તઃપુર ઓઓ )

॥ હથુ મે ॥ રાગ પ્રથમંજલિ ॥ ચો ॥

જગતયા જનનિસ વચન પ્રમાણ...

( થન રત્નાવલિ પનિ દેહ )

( થન રત્નાવલિયા સ્વપ્ન જુઓ, દં, જઓ લઓ સોય માઓ )

( થન સલિ નિમ્હં ન્દેલં ચાઓ, દં, સોક )

( થન રત્નાવલ્યુક્તિ ઉત્તરા ઉત્તર )

॥ મે ॥ રાગ ગૌદામાલ ॥ લ ॥

હેહ સલિ ૨ દુઃખયા લં લહાય

સ્વપનસ લહા જિન આઓ ॥ ॥ ધુ ॥

મદનયા તુલ રૂપ પુરુષ ઓયાઓ

રસ યાસે ઓન તોલતાઓ ॥

ઓહ થન ૨ જિન મલહાઓ

ગથે જિન મન થિર યાય ॥

લુમહ લુમહ અતિ વિકલસિયાઓ

માલે માલ નૃપતિન લહાય ॥

( થન ચિત્રલેલા અનંગલેલોક્તિ ઉત્તરા ઉત્તર )

॥ મે ॥ રાગ કોલાઓ ॥ લ ॥

હેહો રાની મન તસે વિનતિનિ યાય ॥ ॥ ધુ ॥

ગુગુલિ કુલયા ઓસ નામ ગુણ જિન

મસિયાહ ગથે માલે મફુ મતિ હીન ॥

દેવીયા વચનથે સ્વપનસ લન હિન

થન ગન સોય ઓહા લહાલ નૃપતિન ॥

( થન ચિત્રલેલા અનંગલેલાન ચિત્રપટસ ચોક )

॥ મે ॥ રાગ વિભાસ ॥ લં ॥

મન થિર યાઓ રાની પુરુષ સિયાઓ

લુહઓલે ઓહા જન સોહને નિદાન ॥ ॥ ધુ ॥

સ્વગુલિયા ભુવનયા દકો જન રૂપ

ઉતિ યાસે વિય ચિત્રપટસ સ્વરૂપ ॥

દયાલહિમિયા ધનિ જય પરકાશ

નૃપતિન લહાક સ્વઓ જુયુયો વિકાશ ॥

( થન રત્નાવલિન ચિત્રપટ કાયાઓ સ્વક રત્નચૂડ નાગકુમાર લહ )

( થન રત્નાવલિ પનિ અંદોરન પુણ્ય હેત્ર ઓ )

॥ મે ॥ રાગ કેદારા ॥ લ ॥

સલિ નુયો જિ મન થનિ થિરન મચોહ ઉદાસ

ઓહા રૂપ લુમહ લુમહ ગથે યાય પુરણ આશ ॥



गन लाय मानन याय वेरथ जनस जि आओ  
गथे चोने नृपति वचन डेढ थन धैरज याओ ॥

( थन छे लिकाय )

॥ लु ३ ॥

( थन सिमा नदि देखोल तय )

( थन रत्नावलि पनि अंदोर भावन ओओ )

॥ तिप ॥

( थन रत्नावलि पनि स्नान याक )

॥ तिप ॥

( थन सखि पनिसेन पूजा सामा हकु )

( थन रत्नावलि पनिसेन अम्बिका भवानीया पूजा याक )

॥ तिप ॥

( थन दैत्य पनि ओओ )

॥ झाक ॥

( थन सुवाह दैत्यन कन्या बुझय यातकु )

( थन सखि पनि हलुयाओ ल लहाक )

( थन दैत्य पनिसेन कन्या सोह्यं जोड )

( थन रत्नावलि पनि विलाप )

॥ मे ॥ राग भैरवि ॥ ख ॥

विपरीत जुल बिधि गन सुख लाय

हे हरि हरि आओ

जुल विकल जि अतिन हे प्राण तय छाय ॥

दयालछिमिया पति नृपतिन ; लहाय

हे हरि हरि आओ

विपतिस २ धयिरज थमन थन याय २ ॥

( थन रत्नावलि पनि हरण याडाओ सुवाह दैत्य पनि पाताल ओ )

॥ झाक ॥

( थन सिमा नदि देवल लिकाय )

॥ लु ४ ॥

( थन पाताल द्वार तय )

( थन रत्नचूड नागकुमार पनि थओ राज्यस ओओ )

॥ हथु मे ॥ राग आसावलि ॥ प्र ॥

कणि गण पनि भिजिस रसन दहाओ.....

( थन सुवाह दैत्यन कन्या हरन याडाओ हओ )

॥ झाक ॥



( થન રતનચૂડ પનિ હુદાશ્રોં લેં )

( થન દૈત્યોક્તિ યુદ્ધ )

॥ મે ॥ રાગ પહલિયા ॥

( ચો ) જ ) દનુ સુત થન હન અકરમ યાકલે

( જ ) સંહાર જુયીઓ બુધ્ય યાક

( સ્વ ) ગરભ યાય હન છાય

થઓ બલ સોસે યાઓ વીરઓ જોરય

( પ્ર ) કન્યા તોલતિઓ થન વિસે હુનિ મતે લ્વાય

( જ ) ફણિ ધન ગુમાનન મદુ પરમાન

( સ્વ ) લસ તાઓ સ્વહગયા પરહારે

( પ્ર ) બલનિ સોઓ થઓ આઓ

જોરિહાઓ જોર યાઓ કાતર જીવન

( જ ) થઓ વાચય યાઓ નૃપતિ થવ સં ધાઓ

( થન થિથિહલુ દૈત્ય પનિ શ્રોં )

॥ મે ॥ રાગ રામકરિ ॥ સ્વ ॥

ભાવ મનસ તથ હરિજુયા જિન ॥ ॥ ધુ ॥

મુળ તસે વેહરપુ ગિરિવલ ધરલપુ

મુવનસ મદુ ઓ સમાન ॥

ગોપિ પનિ મન હલલપુ ત્રિભુવન લલલપુ

ઓસયા ભાવન દત માન ॥

ગ્વહસેન ભગતસ તસે તર અતિ લસ

ફુતકલ દૈત્યયા જાલ ॥

ઓહસયા ભજનસ રતજુસે ચોહમ્હસ

મદુ ભય નૃપતિન લ્હાલ ॥

( થન નારદન વસુભૂતિ જોહાઓ દં હુદા શ્રોં )

( થન નારદોક્તિ ઉત્તરા ઉત્તર )

॥ મે ॥ રાગ ધનાશ્રી ॥ સ્વ ॥

ગણ સહિતન દયિત્ય ઓયાઓ

કન્યા હરન યાત સ્વહાન અતિન

હિ જુલ રાજ જતનનિ યાઓ

ગથિન સ્વહુને કુદિન ॥

( થન વસુભૂતિ ઉત્તરા ઉત્તર )

॥ મે ॥ રાગ ધનાશ્રી ॥ સ્વ ॥

મુનોશ્વર થન મજિઓ દોકાય જિઓ

હતિ કન્યા ગન લાય ॥

પાતાલસ જુલ વાસ જુલ જિ નિરાસ

અશ્વત જિ જુલ હાય હાય ॥



शुभ मति थम धयिरज याओ  
 फुयिओ मखतेओ निदान ॥  
 नृपति राजन लहाल मनन हियाओ  
 लायिओखे देवया कृपान ॥

( थन नारद ओं )

॥ तिप ॥

( थन वसुभूति पनि कन्या मालओं अंदोलं )

॥ मे ॥ राग विभास ॥ लं ॥

हरि हरि थनि गवहसके दुखया खं लहाय ॥ धु ॥  
 मखुह्याया लाहातिस लात म्हाव कुदिनस  
 पिदिगस जुल उपहास ॥  
 गथे अन चोन खस चोडा थम सोरगस  
 लहाकल श्री जय परकाश ॥

॥ लु ६ ॥

इति श्री नेपालेश्वर महाराजाधिराज श्री श्री जय जय  
 प्रकाश मल्ल देव विरचिते श्री ३ रत्नेश्वर प्रादुर्भाव नाम नाटके  
 चतुर्थाङ्के ।

॥ अथ पंचम दिवसे ॥

( थन नान्दि )

॥ मे ॥ राग प्रथमंजलि ॥ प्र ॥

जय धराधर राज नन्दिनी चरण शरणया थास रे  
 याव गुण गन दको लाय थन सार थुति परमान रे ॥  
 जय प्रकाशन लहाक भावन निरमल याय मनस रे  
 पुण्य फल राय दुख पाल जुय विओ छिन जित ज्ञान रे ॥

( थन मदन सुन्दर राजा मानकला रानी मोहकला  
 सखि ज्ञानसिद्ध मंत्री वेगराज कोटवार प्रवेश )

॥ मे ॥ राग नाट ॥ जति गवडा ॥

मदन सुन्दर नाम परवेश याक रे  
 अपुरुव गुण लाक भूपति बल लाक रे ॥

किरतिन भुवनया परकाश याक रे

॥ दयालछिमिया पति नृपतिन लहाक रे ॥







॥ लु १ ॥  
( थन सिमा नदि महादेव तय )

( थन रत्नमंजरी रानीचा सखि देव पूजा यात ओओ )

॥ हथु मे ॥ राग मारुवा ॥ लं ॥

हरष मनस तसे रसन दडाओ...

( थन राक्षसन आहाल माल ओओ )

॥ हथु मे ॥ राग विभास ॥ प ॥

स्वय जिन आहालनि वनस ओडाओ...

( थन राक्षसन कन्या जोड सखि बिसे ओ )

॥ तिप ॥

( थन रत्नमंजलिया विलाप )

॥ मे ॥ राग धनाश्री ॥ लं ॥

थनि जिन दुख जुल हाय हरि हरि

करम फरन थन छाया ॥

ए हरि हरि ॥

नृपतिन लहाल थन याय हरि हरि

धैरज मन गुण लाय ॥

ए हरि हरि ॥

( थन राक्षसन कन्या जोडाओ ओ )

॥ झाक ॥

( थन सिमा नदि देशोल लिकाय )

॥ लु २ ॥

( थन नदि देवल तय )

( थन रत्नावलि पनि सहितन रत्नचूड नागकुमार पनि  
काशि क्षेत्रस ओओ )

॥ मे ॥ राग कन्हाला ॥ प्र ॥

आओ रे जि ओने काशि देश ॥ ॥ धु ॥

रतन ईश्वर शिव दरशन याओ

सफल जनम सुख लाओ ॥

दयालद्धिमिया पति जय परकाश

पतिन लहाल भिड थास ॥

( थन रत्नचूडादिन स्नान याक )

॥ तिप ॥

( थन महादेव पूजा याक )

॥ तिप ॥

( थन अन्दोलन वसुभूति पनि ओओ )



॥ ह्यु मे ॥ राग विभास ॥ लं ॥

हरि हरि थनि गवहासके...

( थन वसुभूति पनिसेन देव दर्शन याक )

( थन वसुभूति पनिसेन चाकल हुयाओ सोक रत्नावलि पनिसेन लक )

( थन रत्नावलि पनिसेन नाग राजा जोडाओ हहा ओ )

( थन रत्नावलि पनिसेन रत्नचूड नाप लातकु )

( थन वसुभूति दं हहा ओ )

( थन द्वारपारन पुरोहित जोतिकि बोन ओ )

॥ छतिप ॥

( थन बोडाओ हओ )

॥ उत्तिपं ॥

( थन कंकन बंधन याक )

( थन रत्नचूडया लाहातिस रत्नावलिया लाहा )

तय ध्व निपा लाहाति वसुभूतिन देओने जोने )

( थन दास पनिसेन यज्ञ कुण्ड अग्नि हकु )

( थन मुनीश्वरन यज्ञ याक )

॥ मे ॥ राग कौसिक ॥ चो ॥

वेदया विधिन जिन थन यज्ञ याय

आहुति विद्याओ देव मन रस याय ॥

दयालद्धिमिया पति नृपतिन लहाय

वर कन्या निहसया भिड मति लाय ॥

( थन दास पनि स मालव ख्याल )

॥ ह ॥ ( थन मुनीश्वर जोतिकि पनि ओ )

॥ तिप ॥

( थन रत्नचूड रत्नावलि पनि अन्तःपुर ओ )

॥ मे ॥ राग श्री ॥ चो ॥

आनन्द मन छन याओ ॥ ॥ धु ॥

प्रिय नुयो वने विलाशया छेस

भाव तसे रस गुण लेश ॥

दयालद्धिमिया पति नृपतिन लहाल

पिरतिन दको रस जाल ॥

( थन वसुभूति पनि सर्व परित्प चो )

( थन नदि देव लिकाय )

॥ लु ३ ॥

( थन रत्नचूड रत्नावलि पनि अन्तःपुर ओओ )

॥ ह्यु मे ॥ राग श्री ॥ चो ॥

( प्रिय नुयो ओने विलाशया छेस )



( थन रत्नचूडोक्ति श्रृंगार )

॥ मे ॥ राग वलालि ॥ लं ॥

हां थिर मन चोळ थन जि मन रे ॥ ॥ धु ॥  
छन रूप जउवन खडाओ सुन्दरी रे  
भाओन जि सोओ छन मानन रे ॥  
रति रस बिसे तिओ रसन जि प्राण रे  
नृपति वचन सिसे भावन रे ॥

( थन रत्नावल्याक्त )

॥ मे ॥ राग केदाला ॥ प्र ॥

आओ विनति छिन डेळ मन तसे  
रसिक मति रे हाँ ॥  
भाओ जि सया मखु रस गुण हीन  
हे प्राण धनि ॥  
वयस मदुनि सोओ हथ याय मते  
मसिओ रस रे हाँ ॥  
ज्ञानन लाक मखु बहाल नृपतिन  
हे प्रभु धनि ॥

( थन रत्नचूड रत्नावलि बबाजु माजुया यास ओ )

॥ तिप ॥

॥ लु ४ ॥

( थन सिमा तय )

( थन मदन सुन्दर राजा पनि अहल ओओ )

॥ हथु मे ॥ राग सारंग ॥ प्र ॥

अतिन सरस मन यासे नुयो आओ...

॥ ( थन संज पनिसेन देखो ओयकु ख्याल मालको )

( थन अहल याक )

॥ मे ॥ राग पहलिया ॥ प्र ॥

याय रे अहर थनि भिजिस मुडाओ  
चला गुंफा थन हिओ भिनक पडाओ ॥  
पिदिगस पास छुय यनेनु लाडाओ  
नृप वर जय परकाश रस ताओ ॥

( थन चला ओओ )

( थन राजा छहा चलान हुयकल यह )

( थन प्रजा पनिसेन सोक, माल बुओ, मलुओ )

( थन मन्त्री पनि दुखन राजा माल ओ )

॥ तिप ॥



( थन सिमा लिकाय )

॥ लु ५ ॥

( थन छे द्वार सिमा तय )

( थिन राक्षसिनि परिक्षपन ओओ )

( थन राक्षसन कन्या जोडाओ ओओ )

... ॥ मे ॥ राग काफि ॥ चो ॥

( जुल जनि जन्म सारथ आओ ॥ ५ ॥ )

दयिवन बिल जितपुर यासे आश

राज कन्या जोसे यने ओने थओ बास ॥

थवहा तिरि बस यासे चोने सुख लाय

दयाल छिमिया पति नृपतिन लहाय ॥

॥ ( थन राक्षसीन राक्षस थडाओ डेढ ) ॥

( थन कन्या दुत छोया तय भाओ )

॥ ( थन राक्षसीन शक्ति जोडाओ ओओ ) ॥

॥ मे ॥ राग प्रथमंजलि ॥ चो ॥

कामया बस जुल राक्षस आओ

ल्यासे मिसा हसे तल नके जि मधाओ ॥

सिमा क्वस चोडहानि नओ धक धाल

नृपतिन लहाल थम ओहा सोय माल ॥

( थन राक्षसन सिमा गयाओ सोक )

( थन राक्षस ओओ )

॥ भाक ॥

( थन रत्नमंजरी परिक्षपन चो )

॥ लु ६ ॥

इति निष्क्रान्ता सर्व पंचमोद्धे ॥

०००००००

॥ ५ ॥ ( ५ )

॥ ५ ॥ ( ५ )

॥ ५ ॥ ( ५ )

॥ ५ ॥ ( ५ )

॥ ५ ॥ ( ५ )

॥ ५ ॥ ( ५ )

॥ ५ ॥ ( ५ )

( ५ ५ ५ ५ )

( ५ ५ ५ ५ ५ ५ ५ ५ ५ ५ )

॥ ५ ॥

( ५ ५ ५ ५ ५ ५ ५ ५ ५ ५ )

( ५ ५ ५ ५ ५ ५ ५ ५ ५ ५ )



## ॥ अथ षष्ठम दिवसे ॥

( यन नान्दि )

॥ मे ॥ राग राजविजय ॥

( लं ) जय जय नृत्यनाथ महेश्वर ॥ धु ॥

( लं ) विभूतिन हस बुओ प्याखन हुयाओ

( प्र ) नन्दि भृन्दि निह दयकाओ

( ख ) पालिपले भजलपे भगत मुक्काओ

( लं ) नवरस दको थम गुण पिकायाओ

( प्र ) सेवकया दुख फुतकाओ

( ख ) नृप जयपरकाश देवन ह्वाकाओ

( यन सिमा तय )

( यन मदनमुन्दर राजा चलान हुयकाओ हओ चला बिसे ओ )

॥ झाक ॥

( यन राजा सिमा कोस देह )

( यन शक्ति जोडाओ राक्षसी ओओ )

॥ हथु मे ॥ राग प्रथमंजलि ॥ चो ॥

कामया वस जुर राक्षस...

( यन राक्षसी दुहा ओ सुन्दरी रूपन ओओ )

॥ मे ॥ राग भय्याहरी ॥ चो ॥

पुरुषया बास थन मखु सोओ अनेकन हा रे  
कुवुद्धि दुरजन लोकन खनकाओ दह छि गनया ॥  
जिन हयाजिओ कुमतिस आओ थुगुलिन हा रे  
कयकि सुख रस भावनि थम याओ बीर नृपतिस दया ॥

( यन राजान शक्ति कायाओ तओ )

( यन भीमनाद राक्षस ओओ )

॥ झाक ॥

( यन भीमनादोक्ति युद्ध )

॥ मे ॥ राग पहरिया ॥ रूपगवडा ॥

जे जोरिओ जोर याओ रे आओ  
मुष्टिया प्रहार थम सह याओ ॥

( यन मदनमुन्दरोक्ति युद्ध )

॥ मे ॥ राग पहरिया ॥ रूपगवडा ॥

छाय रे तमन सोय बलन मचाओ  
लहाक महाराज कथ मदु धाओ ॥



( थन राजस सिक )

( थन राजा विकटमुखी निहं कन्याया थास ओं )

॥ हथु मे ॥ राग वेराओर ॥ चो ॥

प्रभु आओ रे ओने नुयो भिजि निहं सरस मनस ॥ धु ॥

रसिक थमन डेड मोहन मनया

स्वय अन पुरया लोकस सुन्दर बास ॥

धरम मूरति नृप वचन रसया

भिनिओ डेडहाया जुयुओ पूरण आश ॥

( थन सिमा लिकाय )

॥ लु १ ॥

( थन सिमा द्वार तय )

( थन रत्नमंजरी रानीचा परिचपन ओओ )

( थन विकटमुखी राजसीन राजा बोडाओ हओ )

॥ हथु मे ॥ राग वेराओर ॥ चो ॥

प्रभु आओ रे ओने नुयो भिजि निहं सरस मनस...

( थन मदनसुन्दर विकटमुखी रत्नमंजरी पनि

कीर्तिबर्मा राजाया थास ओं )

॥ मे ॥ राग प्रथमंजरी ॥ चो ॥

सुन्दर मनस रस जुयकाओ

जि पनि सभास स्वहुने ओडाओ ॥

तिरिया रतन अन ॥ धु ॥

निरभय जुळ थनि पुरुवया फर दनि

सेवलपे छि चरण आओ ॥

गुनरस केते जिन सुख यासे हने दिन

दयिवन विल होनकाओ ॥

दयालछिमिया धनि नृपति राणया मणि

भिड मति जय परकाश ॥

बहाकहा धरम मति नीति निपुण अति

याओ छिन थन बिसे बास ॥

( थन सिमा द्वार लिकाय )

॥ लु २ ॥

( थन कीर्तिबर्मा राजा पनि सभा ओओ )

॥ हथु मे ॥ राग जयजमन्ति ॥ चो ॥

सुन्दरी नुयो थओ नगर ओने...

( थन शानकला सखि बिसे ओओ )

॥ तिप ॥

( थन मदनसुन्दर राजा पनि ओओ )



॥ हथु मे ॥ राग प्रथमंजलि ॥ चो ॥

सुन्दर मनस रस जुयकाओ...

( थन कीर्त्तिबर्मा राजा पनि सर्वे शान्ति भावन श्री )

॥ मे ॥ राग पहलिया ॥ प्र ॥

मानन लाय ओने नुयो आओ थओ देश  
मन रस यासे भिङ्ग भाओ रे ॥  
कारण काज थओ गुण ल्हाओ  
जय प्रकाशन ल्हाल रस जाओ रे ॥

॥ लु ३ ॥

( थन नदि सिमा तय )

( थन सुवाहु दैत्य पनि अन्दोलन ओओ )

॥ मे ॥ राग श्री ॥ चो ॥

मनस विरस जुल बल जिन लाय  
तपोवन मदुम्हन मफु गुण काय ॥  
सुमति नृपति जय प्रकाशन ल्हाय  
हर पद भजनन भिङ्ग पद लाय ॥

॥ तिप ॥

( थन महादेश्रो पूजा याक )

॥ हथु मे ॥ राग मारु श्रनाश्री ॥ प्र ॥

शिवया पालि पले जिन भजलपे...

( थन ध्यान याडाओ चो )

( थन महादेव प्रत्यक्ष जुओ )

( थन सुवाहु दैत्य पनिसेन पूजा याक )

॥ तिप ॥

( थन महादेव अन्तर्धान जुओ )

॥ तिप ॥

( थन सुवाहु दैत्य पनि दिग्विजय यात श्री )

॥ मे ॥ राग पहरिया ॥ प्र. चो ॥

ओने नुयो हरषन सेवक जन मुडाओ  
हतास ए बलन सुर गण लाय भाओ ॥  
थओ लजो जोसे सोय समर मनन आओ  
नृपति ए जय परकाशन भिङ्ग धाओ ॥

( थन नदि सिमा लिकाय )



॥ लु ४ ॥

( थन नदि सिमा तय )

( थन पार्वती जयाविजया पनि जल बिहार यात ओओ )

॥ मे ॥ राग मारु धनाश्री ॥ ज ॥

आओ मनस रसन रसिक तयाओ ॥ धु ॥

रस गुण केने आओ थिथि रस तसे भाओ

लोकया मनस थने मिजिस ॥

दयालछिमिया धनि जय परकाश मणि

भुवनस महु नृप सुन्दर ॥

( थन पार्वती जयाविजया पनिसेन जल बिहार याक )

॥ मे ॥ राग नट ॥ ख ॥

रस रचना याय नुयो लखन होलाओ सखि ॥ धु ॥

जन्त्रन कयके थिथि यासे भाओ

शीतल शलिल जुयकाओ ॥

मोह यासे जुय हिल रस जाओ

नृपतिन लहाल थन आओ ॥

( थन दैत्य पनि ओओ )

॥ हथु मे ॥ राग पहरिया ॥ प्र. चो ॥

ओने नुयो हरषन सेवक जन मुझाओ

( थन दैत्य पनिसेन पार्वती हरण याय तह )

( थन दैत्य पनि मूर्छा जुओ खै )

( थन पार्वती शतरूपा जुयाओ खै लहाक )

( थन शतरूपा पनि स सुवाहूक्ति युद्ध )

॥ मे ॥ राग काफि ॥ प्र ॥

वीर जुओ जोरी सोओ रे ॥ धु ॥

सह याओ बल तसे बाण प्रहार गुमान

झाय मन रस बस याओ जुल मोह बिधान ॥

( थन शतरूपोक्ति युद्ध )

॥ मे ॥ राग काफि ॥ प्र ॥

रस याओ बल केसे आओ जीव पिकाय जोरि जोधा

महु छन सेना नृपतिन थव लहाय ॥

( थन शतरूपा अन्तर्धान याक )

( थन देवी प्रत्यक्ष जुओ भुत कओड पनि )

( थन सुवाहूक्ति युद्ध )



॥ मे ॥ राग मारश्री ॥ चौमां ॥

शर प्रहार छन सह याओ रे  
बओ मानन थन जस लाओ रे ॥  
छन फको बल याओ गुण लाओ रे  
फुयिओ तिरि जन बल जाओ रे ॥

(थन दैत्युक्ति युद्ध)

॥ मे ॥ राग मालश्री ॥ चौमां ॥

खडग परहार जिन याय रे  
दको बल केडाओ रण याय रे ॥  
थम थिर याडाओ जस लाय रे  
सोयाओ जेरी नृपतिन लहाय रे ॥

(थन दैत्य पनि स्याक)

(थन देवी अन्तर्धान जुओ)

॥ चर्चा मे ॥ राग ॥

या माता ममता ।माया मा परोक्ष क्षरोप  
माता रानो गगनो रात मोक्ष गक्ष गक्ष क्षमा ॥

(थन पार्वती पनि दधुनं ओओ)

(थन पार्वती पनि थओ छे ओ)

॥ तिप ॥

(थन भूत कओड पनिसेन सिक जोडाओ ओ)

॥ तिप ॥

(थन सिमा नदी लिकाय)

॥ लु ५ ॥

(थन वसुभूति पनि परिक्षप ओओ)

(थन रत्नचूड रत्नावलि ओओ)

॥ मे ॥ राग वलालि ॥ प्र ॥

॥ ओनेनु भाओन तडाओ हे प्रिय ॥ धु ॥

जुल !जि मानस अतिन लालस

छन लूप चन्द्र समान

खडाओ पूरण आनन्द कारण

थओ:छे ओने ननान ॥

दयालछिमिया पति भूप सुंदर अति

जय परकाशन लहाल

पूरव पुण्य फल परकाश थन जुल

होनकल दयिवन ताल ॥

(थन आशिर्वाद बिउ)

(थन वसुभूति रत्नचूड पनि सर्व पशुपति दर्शन यात ओ)



॥ मे ॥ राग मंगल ॥ चो ॥

पशुपति दरशन नु ओझाओ  
भगति भाओन थनि सुन्दरी मुझाओ ॥  
शुभ मति नृपतिन भिऊ धाओ  
शिव परसादन पुण्य फल लाओ ॥

॥ लु ६ ॥

( थन आरति )

॥ मे ॥ राग मारु धनाश्री ॥ चो ॥

भाओ भगति तसे आरति याय ॥ धु ॥  
चरण शरण ति दास छि पालिया ॥  
त्रिपुर असुरया जिओस द्वितुझया  
काम दाह याक ओसम्हया  
आदि पुरुषम्हन मानन देवन  
प्रीति तसे याक ग्वम्हसया ॥  
दयालछिमिया पति वीर भूपति  
जय प्रकाशन लहाक सोया  
जुओ अति वीरन भाव धरमन  
जय थम लाक ज्ञान सिया ॥

( थन पञ्चम )

॥ मे ॥ राग पञ्चम ॥ थकु ॥

खव सुद्धिरद जुल संवत नेपाल  
राधा सित हर तिथि बृहस्पति बाल ॥  
ब्रह्म योग घनिष्टा नृत्य दयकाओ  
रत्नेश्वर उदभव नव रस जाओ ॥  
दयालछिमिया पति जय परकाश  
नृपतिन तलेजुया प्रीति उलाश ॥  
पितकाल नासोलया प्रसाद दयाओ  
लोक मोह जुय माल थुगुलि सोयाओ ॥

इति श्री नेपालेश्वर महाराजाधिराज श्री श्री जय जय  
प्रकाश मह देव विरचिते श्री ३ रत्नेश्वर प्रादुर्भाव नाम नाटके  
षष्ठोऽङ्के समाप्तः ।

॥ शुभं भवन्तु ॥

\*\*\*



॥ १५ ॥ १५ ॥ १५ ॥ १५ ॥

आपने सबके लक्ष्मी देव  
॥ १५ ॥ १५ ॥ १५ ॥ १५ ॥  
विष्णु देव विष्णु देव  
॥ १५ ॥ १५ ॥ १५ ॥ १५ ॥  
आपने सबके लक्ष्मी देव  
॥ १५ ॥ १५ ॥ १५ ॥ १५ ॥  
विष्णु देव विष्णु देव  
॥ १५ ॥ १५ ॥ १५ ॥ १५ ॥

## थव सफू

थव सफू जुजु जयप्रकाश मल्लं चवयातगु ख धका  
प्रत्येक म्येया क्वे थगु नां तयातगुलिं सीदु । अले प्रत्येक दिवस  
सिधयेव 'श्री श्री जय जय प्रकाश मल्ल देव विरचिते' धका  
चवयातगुलिं नं सीदु । तर, जय प्रकाश मल्ल परलोक जूगु २००  
दँ दइन । भीसं थौतक थव सफू व्वने मरुगु ला छखें, दर्शन हे  
नं याये मरुनि धासां जिउ । भीगु भाय् पुलांगु ख, भीगु  
भासय् पुलांगु साहित्य आपालं दु धका भीसं न्हाब्लें धयाथें  
ह्वाय् म्वाका च्वनागु दु । तर, पुलांगु साहित्ययात सकस्यां  
न्होने व्वयेगु ज्याय् भीसं उस्त कुत मयानानि । २०११ साल-  
निसें भीगु भाय् स्कूलय्, अनंलि २०१८ सालनिसें कलेजय् नं  
व्वनेदत । अय् नं पुलांगु साहित्य व्वनेगु व व्वकेगु पाखे भीगु  
ध्यान मवं । थुगुसीनिसें भीगु भाय् आ अनर्स नं कया व्वनेदइगु  
व्यवस्था त्रिभुवन विश्वविद्यालयं याना विउगुलिं भीगु भाय्  
व्वनेगु तँ ह्वापा स्वया छतँ अप्पो थाहाँ वन । आ न्हून्हूगु  
साहित्य जक व्वनां मगात, पुलांगु साहित्य नं व्वनेमागु जुल ।  
अकि पुलांगु साहित्यया सफू पिब्वयेगु भीत करं हे क्यनावल ।



श्व सफू मीत उगु दिशा पाखे करं क्यंका ध्वाना यंकूगु  
वस्तुस्थितिया छगू दसु ख धासां पाइं मच्चं ।

श्व सफूयात 'रत्नेश्वर प्रादुर्भाव नाम नाटक' धयातगु  
दु । थुकिं श्व छगू नाटक ख धका सीदु । तर, जितं ला नाटक  
जक मधासे गीति-नाटक अथवा नृत्य-नाटक धायेमास्ते व ।  
छाय् धासा थुकी गनं छथाय् धका सुं छम्हेस्यां छग आख  
नोधाना खँहावह्ला यानाच्चंगु मरु । च्वनिसं क्वथ्यं म्येया  
म्ये जक । पुलंगु नाटकय् म्ये फुक्क लिदुलिं हालीगु जगुलि  
थुकी नं प्याखंमोतेसं म्येया धूनय् प्याखं हुलेव गा, बाजाया  
तालिय् ज्याया भाव यायेव गा । श्वया दकले क्वे च्वंगु म्येय्  
'नृत्य दयकाओ' धयातगुलि नं श्व नृत्य प्रधान नाटक ख  
अर्थात् नृत्य-नाट्य ख, थौं कन्हेयाथें ज्यागु नाटक मखु, धयागु  
सीदु । अथे ला नृत्य व गीत बिना पुलंगु नाटक जुइ हे मखु ।  
तर, मेमेगु पुलंगु नाटकय् खँहावह्ला नं दु । थुकी अथे मरु ।  
तर, छगू खँ । सफुतिइ खँहावह्ला च्वयातगु मरुसां गनंगनं  
खँहावह्ला नं यायेमा धयागु खँ चिकुथिया दुने धयातगु भाखां  
सीदु । स्वयादिसं :- ( थन सखि पनि हलुयाओ खँ हाक )  
— ३४।१६; ( थन रत्नेचूड पनि हँहाओ खँ ) — ३६।१; ( थन  
कोटवाल महं सलतु ) — ४०।४; ( थन नाय पनिसेन नोहारे )  
— ४०।१०; ( थन पार्वती शतरूपा जुयाओ ख हाक ) — ५७।६ ।  
तर, गुलि खँ ह्यायेमागु ख फुक्क धयाथें च्यो भ्वाति व नायथें  
ज्यापिं चीर्थपि प्याखंमोतेसं जक ह्मागु खनेदु; तर्थपि प्याखं-

मोतेसं ह्माहे ह्मासां दैत्य व राक्षसथें ज्यापिं निर्धिनिपि  
प्याखंमोते नाप जक ह्मागु खनेदु । अर्कि श्व नाटकय्  
खँहावह्लायात छुं भचा थाय् दहे दुसां क्वह्यंगु जक थाय् दु ।  
अले खँहावह्ला च्वयेगु हे क्वह्यं ज्या भापा नाटककारं थम्हं  
मच्चसे नाटक स्यनीम्हेस्या ह्मातय् तोतातगु दु धका मीसं  
मधासे हे गाइमखु ।

श्व नाटकय् हांसिख्यालियात नं चीर्थपि प्याखंमोते  
थेक्काथें यानातगु दु । थुकी जम्मा स्वथाय् ख्या याइगु दु ।  
हाप्पां जिओसि व कामसि नाय निम्हेस्यां मदनसुन्दर जुजु  
अहल वनीगु खँ नायखि च्वयेकवने न्ह्यो याइ ( थन ख्याल  
मालको — ४०।६ ); अनलि रत्नेचूड व रत्नावलिया व्याहा जुइव  
दासतेसं ख्या याइ ( थन दास पनिसेन मानव ख्याल — ४५।३ );  
दकले लीपा मदनसुन्दर अहल वनीबले संज सिपाई ख्या याइ  
( थन संज पनिसेन देश्रो ओयुक ख्याल मालको — ४७।७ ) ।  
थुकिं छु सीदु धासा थ मालिकपिनि लय्ताय् व भिज्याय्  
च्यो-भ्वाति व नोकर-चाकरतेसं मनय् स्वां ह्येका ख्या याइगु  
जुयाच्चन । मेकथं धायेगु जूसा, च्यो भ्वाति व नोकर चाकरते  
हांसिख्यालि मालिकपिनि मनय् लुया वगु लय्ताया  
प्रतिनिधित्व याइगु जुयाच्चन धासां जिउ । भिगु लगनय्  
रत्नावलिया जन्म जुइव जातः च्वयेधुंका जोसि व दिदिअजि  
निम्ह शृंगार भावं वनी । थन खँहावह्ला जुइमखु । अय्सां  
म्येया गेरा कथं श्व नं छगू ख्या हे ख धायेमा । अले जोसि व



दिदिअजि नं च्वन्हापि, तर्धपि प्याखंमो मखु धका भीसं सीकेमाली । वरु इपि श्रृंगार भावं वनीबले हालीगु म्ये स्वया उगु वखतय्यागु हांसिख्यालिया स्वरूप भीसं अनुमान याये ह । सामन्ती/युगयागु नाटक जूसां थुकी हांसिख्यालियात गुलि स्वतन्त्रता वियातगु दु उलि थौंक्न्हे मिसा व मिजंयात आपालं खँय् समान अधिकार दयेधुंकूगु प्रजातान्त्रिक जमानाय् नं मरु । थुलि स्वतन्त्रता थौंक्न्हे काल धासा असभ्य व अभद्र धायेत लिफ स्वइमखु । तर, थगु हे पहयागु साहित्य, संगीत व कलायात पराकाष्ठाय् थ्यंका सभ्यताया गुलि स्याचुगु चि इमिसं तोतावन थौंक्न्हेयापि सभ्य धापिसं उकिया थागा हे काये मफुनि ।

थौंक्न्हे नाटक च्वइपित नाटकीय ज्ञान छगू दयेव कुगा । खि फासां म्ये हालीगु, जा नसां म्ये हालीगु भारतीय नवाकिपा स्वयालि नाटकय् म्ये हालेगु हे अस्वाभाविक धाइपि मनूत नं दये धुंकल । म्ये हाले हे मासां थौंक्न्हे नाटककारं म्ये च्वयेत कपा स्याक्य च्वनेमो । गन गज्यागु म्ये हालेमाली धका विचा याइहा मेहा हे दयाच्वनी । अले म्ये च्वइहा हानं मेहा हे दयाच्वनी । लय् तइहा नं अलग्ग हे छहा दयाच्वनी । तर, पुलांगु नाटकय् अथे मखु । नाटककारं नाटक जक च्वयां मगा, म्ये नं च्वयेमा, अनेक राग रागिनीया व तालया ज्ञान नं दयेकेमा । धात्थे धायेगु जूसा हापा नाटक च्वयेगु धयागु हे म्ये च्वयेगु । थव सफुतिइ ३६ गू रागयागु ६० पु म्ये दु ।

ताल नं विभिन्न प्रकारयागु दु । थुकि सीदु जयप्रकाश मह नाटककार जक मखु, धुरन्धरहा संगीतकार नं ख । अम वयात छहा सेहाहा कवि नं धासां जिउ । थुकी गुलि म्ये दु व फुक म्ये जक मखु कि कविता नं ख । प्रत्येक म्येया शब्द विन्यास, अनुपास व छन्द गुलि चट्ट च्वं, गुलि हिसि भयविउ, गुलि रस जा—छहा सुयोग्यहा कविया लिखिनं हे जक थुलि जुइफइ । फुक धयाथे म्ये गीति, छन्दय् व जातीय छन्दय् च्वयातगु खनेदु । तर, नाटक गुरु जुइन्हो दकले हाप्पां नान्दि धाइगु श्लोक धासा मालिनी छन्दय् च्वयातगु दु । अ, छगू खँ छु धासा, 'गओरि' या 'ओ' व 'ओहाया' या 'ओ' ह्रस्व जुइमाथाय् दीर्घ जुया छन्द भंग जुयाच्वंगु छिकपिसं खनी । तर, थव थासासफुतिइ हे जक दीर्घ जुयाच्वंगु ख सिवेत गुरु सफुतिइ ला ह्रस्व हे ख । छाय् धासा नेवा आखल्य दुगु व छग आख नागरी लिपिइ मरु । 'ओहाया' थासय् 'वहाया' याना भीसं ज्या कायेजिउ, आपा थासय् कयाच्वंगु नं दु । तर, 'गओरि' या थासय् 'गवरि' यायेबले छु थं, गय् थं च्वं । 'गउरि' याये जिउ, गुगुं सफुतिइ यानातगु नं दु । तर, व हे छपु म्येय् व हे छग आखया थासय् गनं 'व', गनं 'उ' यायेगु बांला मताल । अकि 'ओ' यानाबिया । भीसं वरु थन 'ओ' यात ह्रस्व उच्चारण याना व्वनेमागु दु । अथे ला भीगु भाय् हे ह्रस्वमय ख । संस्कृत व हिन्दीया प्रभावय् लानाच्वपि, नेपाल भाषाया रूप मसिउपि मनूतेसं ला थुकी च्वंगु कविता व्वनीबले छन्द



हे हंके फइमखु। थुकी चर्चा म्ये नं निपु दु। भक्त उधार यायेधुंका सरस्वती अन्तर्धान जुइबले हालीगु म्ये ला नेवा भासं हे ख। दैत्ययात स्यायेधुंका देवी अन्तर्धान जुइबले हालीगु म्ये धासा गथे छिनछिनय रूप हिलेफुछ देवी अनन्त व असीम ख, अथे हे व नं अनन्त व अथाह। तर, निपुं चर्चा म्ये देवीपि अन्तर्धान जुइबले जक हालेगु यानातगुया अर्थ नेपालय अवले नं तन्त्रया प्रभाव न्याक हे दु धयागु ख।

आ वइ 'तिप' व 'झाक' सम्बन्धी खँ। थुपि निगुलि पँयता अथवा पोंगानाप सम्बन्ध दुगु वस्तु ख। समय अनुसार विभिन्न समये विभिन्न रागयागु म्ये हालेगु यानातथे बेला बखत व ज्या खँ स्वया विभिन्न किसिमं पँयता व पोंगा पुइगु चलन दु। 'झाक' व 'तिप' धयागु अज्यागु हे बेला बखत व ज्या खँ स्वया पुइगु पँयताया पद्धतिया नं ख। 'झाक' धयागु देखा बीबले जक पुइगु हं धयागु पँयताखलया छम्ह नायोया धापू दु। तर, देखाय छु याइबले पुइगु ख व देखा मरुपित कने मजिउ हं। वय्क नायकं कने मजिउ धासां म्हीसं थव सफू स्वया धायेफु—“झाक धयागु दैत्य, राक्षसते निंति व छुं मभिं जुइबले पुइगु ख।” थव नाटकय् 'झाक' च्याथाय् प्रयोग जुया च्वंगु दु। छथाय् पाप पुरुष अन्तर्धान जुबले, मेगु मदन-सुन्दर जुजुयात चलां हुइके यंकुबले। मेगु खुथासं दैत्य व राक्षस वइ-वनीबले अथवा इमिसं छुं अकर्म याइबले। तिप चाहिं भिगु ज्या खँय् न्हाथासं न्हाम्हेस्या निंति नं पू। तर, नाय् व

द्वारपारथे ज्यापि चीधपि प्याखंमोते निंति छ'पु' मपुसे 'छतिप' अर्थात् इत्वा जक पुइगु जुयाच्चन। प्याखं मस्वसे वाजंया धून जक न्यना थौंकन्हे म्हीसं हप व विषादया दृश्य अनुमान याये फुथे पँयता व पोंगा पूगु न्यना भिपि, मभिपि, तधपि, चीधपि अर्थात् गज्यापि प्याखंमोत दबुलिइ वयाच्चन धका म्हीसं सीका कायेफु।

थव नाटकया कथावस्तु ख रत्नावलि व रत्नचूडया विवाह संयोग। तर, थव उलि अपुक, यावक जुइ नखु। दैत्य व राक्षसतेसं आपालं विध्न बाधा हइ। सुवाहु दैत्य रत्नावलि हरण याइ। रत्नचूड दैत्यनाप युद्ध याना रत्नावलियात मुक्त याइ। अनलि महाद्योयात प्रत्यक्ष याना दिग्विजय यायेत वझ। सुवाहु दैत्य देवी पार्वतीयात हरण यायेगु कुचेष्टा यायेव थुमिगु अत्याचार पराकषाय् थ्यनी। फलस्वरूप देवीया ल्हातं सुवाहु दैत्यया प्राण बनी। अले सकस्यां मन याउंइ। मदनसुन्दर व रत्नमंजरीया विवाह आदि खँया कथावस्तुनाप अपाय् सकं सम्बन्ध मरु। थव बाखंया दुने च्वंगु बाखंचाथे जक ख। मुख्यगु कथावस्तु ला रत्नचूड व रत्नावलिया संयोग हे ख—मुखान्त संयोग। अर्कि थव नाटकयात आध्यात्मिक रंगं छिनातगु रोमानी बाखं धायेमा। दैत्य व राक्षस मनुष्यया शत्रु ख, देव देवता मनुष्यया मित्र। आपद विपदया प्रतीक दैत्य, सुख शान्तिया प्रतीक देवता। थव खं थव नाटकं सीदु। अले रत्नचूड व रत्नावलिया विवाह संयोग गन्धर्व व नागया



दथुइ जूगु मित्रता ख, स्वर्ग व पातालया मेलमिलाप ख। मेकथं स्वत धासा वैष्णववादी वसुभूति गन्धर्वराजं शैववादी रत्नचूड नागराजायात थ म्हाय्मचा लल्हाना पशुपति दर्शन याका वैष्णवीयात शिवया शरणम् व्छयेगु आन्तरिक उद्देश्य थव नाटकया ख। अकिं हे थव नाटकया नां 'रत्नेश्वर प्रादुर्भाव' च्वन।

सफूया नां यात ल्वयेक महाद्योया महिमां शुरु जूगु थव नाटक महाद्योया महिमां हे क्वचाइ। थाय्थासय् महाद्योया पूजा व भजन जुयाच्चनी। अथे हे सहाद्यो नं बरोबर प्रत्यक्ष जुयाच्चनी। सुवाहु दैत्यया न्होने तकं प्रत्यक्ष जुइ। हलुवा कलुवा खुंतेत उद्धार याइ। थुकथं महाद्यो सकस्यां द्यो जुयाच्चंगु खनेदु, सकलनाप प्रसन्न जुयाच्चंगु खनेदु। अकिं नाटकया मूल कथावस्तुनाप महाद्योया उलि सम्बन्ध खनेगरु, गुलि पार्वतीया दु। छायाधासा सुवाहु दैत्ययात मस्यायेकं नाटक पूर्वनी मखु, नाटकया मुख्य लक्ष्य पूरा जुइ मखु। दैत्य स्यायेगु ज्या धासा पार्वती यात। दैत्ययात स्याये धुनेव हे तिनि थव नाटक संयोगान्तं क्वचाल। अकिं पार्वतीयात थव नाटकया छद्म प्रमुखद्वा प्याखंमो भापेमा, तर महाद्योयात मो। महाद्यो ला द्यो हे जक ख, मेगु छुं मखु।

नाटकया भाय्या बारे छुं धाये न्हो नाटक च्वगु समय स्वयेमा। जयप्रकाश मल्ल यँदेया दकले लीपायाद्वा जुजु ख।

अकिं थव नाटक २०० दँ दु-मदु पुलां जुल। तर, थव सफू अबलेयागु ख ला, लिपा ल्हायातगु ख मीसं धायेमफु। हस्व दीर्घ पाखे अपाय्मकं वास्ता यागु खनेमरु। 'ल' व 'र' ला मीगु भासय् छगू थें हे जुयाच्चंगु दु। तर, थुकी 'न' व 'ण' नं छगू थें हे यानातगु दु। स्वया माथाय् मागु तया संशोधन याना बियागु दु। अयनं छथाय्-निथाय् 'न' जुइमाथाय् 'ण' हे जूवनाच्चंगु दु। अले 'रिभय थातके'—(४।१६) व 'बुभये यातकु'—(३।१।१५) थें ज्यागु भासं मीगु भासय् दुतेगु प्रयास अबले हे यायेधुं कगु दु धयागु नं खनेदु।

थव नाटकय् जम्मा दँ गू धा दु अर्थात् दँ गू दिवस दु। तर, हाप्पांगु दिवसया कथावस्तुनाप उलि महत्त्वपूर्ण सम्बन्ध खनेमरु। नाटकया घटनास्थल काशी ख। अकिं महाद्यो व पार्वतीयात काशी वंगु कयनेगु व महाद्योया महिमा वर्णन यायेगु हे जक थव दिवसया मुख्य ध्येय ख। हिमालय व मेना काशी बना महाद्योया भजन यागु व महादेवं प्रत्यक्ष जुया इमित दर्शन बिउगु खं थव दिवसय् न्हाथनातगु दु।

धाथेंगु कथावस्तु ला द्वितीय दिवसंतिनि शुरु जुइ। थव दिवसय् गन्धर्व राज वसुभूतिया कला चन्द्रप्रभाया मचावूगु खं मुख्यगु खं ख। व मचा ख रत्नावलि, थव नाटकया मुख्यद्वा माप्याखंमो। तर, रत्नावलिया वाल्यावस्थाया छुं खं न्हाथनातगु मरु। मचा बुइकवद्वा दिदिअजि वनेसाथं स्वासेद्वा रत्नावलि समा यानाच्चंगु लु वइ। रत्नचूड नागराजाया



परिचय बीगु व शिवभक्त व शुद्धचित्तथें ज्यापि भक्तत चकित  
जुइक हलुवा व कलुवाथें ज्यापि खुँत भुक्तिमुक्ति वनीगु ज्या  
नं थव हे दिवसय जुइ ।

स्वंगूगु दिवसय रत्नावलि स्नान याना सरस्वती  
आराधना यागु, सरस्वती प्रत्यक्ष जूगु, रत्नावलि वन विहार  
यावंगु, अन हे भीमनाद राक्षस व विकटमुखी राक्षसी आहारा  
मावगु, रत्नावलि गंगा स्नान याना रत्नेश्वर महाद्योया कीर्तन  
यागु व महाद्यो-पार्वती प्रत्यक्ष जूगु खँ दु ।

प्यंगूगु दिवसय कीर्ति वर्मा राजाया परिचय बीगु ज्या  
जुइ । थव दिवस तस्सकं महत्वपूर्ण । रत्नावलि रत्नचूडयात  
हागमय खनीगु, अन्दोल जुया पुण्य क्षेत्रय वना अम्बिका  
भवानीयात पुज्याइगु, सुवाहु दैत्य रत्नावलि व वया सखीपित  
हरण याना यंकीगु खँ थुकी हे दु । अले रत्नचूडं सुवाहुनाप  
युद्ध याना रत्नावलियात मुक्त याइगु, नारदं वया वसुभूतियात  
रत्नावलि हरण जूगु खँ कनीगु व वसुभूति म्हाय मावनीगु  
लु नं थुकी हे दु ।

न्यागूगु दिवसय दकले हाप्पां मदनसुन्दर जुजुया  
परिचय जुइ । लिपा व अहल वनी । चलां वयात हुयके यंकी ।  
कीर्तिवर्मा जुजुया म्हाय रत्नमंजरी महाद्यो पुज्यायेत वबले  
भीमनाद राक्षसं हरण याना यंकी । वनाप दाम्पत्य जीवन  
हनेगु विचार याइ । अकिं भीमनादं वयात नयेया पलेसा सिमा  
क्वे च्वंच्वंहा मदनसुन्दरयात नहुँ धका विकटमुखी राक्षसी-

यात धाइ । उखे रत्नचूड व रत्नावलि काशी वया महाद्योयात  
पुज्याइ । अबले हे रत्नावलियात मामां वसुभूति नं अन थयंक  
वइ । रत्नावलि थ वौयात खनी, रत्नचूडया परिचय वयात बी ।  
अले वसुभूति रत्नचूड व रत्नावलिया व्याहा यानाबी ।

दकले लीपागु दिवसय चलां हुयके यंकूहा मदनसुन्दर  
जुजु सिमा क्वे च्वंच्वंगु खनेदइ । शक्ति ज्वना विकटमुखी  
राक्षसी वइ । जुजुयात खनेव वं रूप हिला बांलाहा मिसा  
जुया वइ । जुजुनाप वया प्रेमासिक जुइ । भीमनाद राक्षस  
अन थयंक वइ । मदनसुन्दर व भीमनादया युद्ध जुइ ।  
भीमनाद सी । मदनसुन्दर जुजु व विकटमुखी राक्षसी  
रत्नमंजरीयात कीर्तिवर्मा जुजुयाथाय व्वनायंकी । थव हे  
दिवसय सुवाहु दैत्य महाद्यो यात प्रत्यक्ष याना दिग्विजय यायेत  
वनी । वन विहार यायेत वहा पार्वतीयात हरण यायेगु स्वइ ।  
पार्वती शतरूपाया भेष कया सुवाहुनाप युद्ध याइ । दैत्य सी ।  
अले वसुभूति, रत्नचूड, रत्नावलि सकलें पशुपति दर्शन यायेत  
वनी । नाटक क्वचाई ।

सफूया खँ थुलि हे । तर, थव सफू जित बिया थुलि  
च्वयेगु अवसर बियाविज्याहा गुरुजु धनवज्र बज्राचार्ययात  
धन्यवाद मन्त्रीकं खँ पृवनी मखु । वसपोलयात जिगु दुनुगलनिसें  
आपालं आपालं धन्यवाद दु ।